



price 8 cents

Instructions for obtaining
peace. or the
History of Jesus.



PL2703
.A28



Ai-han-che, pseud.

Cheng chiao an wei



道光十六年鐫

新嘉坡堅夏書院藏板

正教安慰

愛漢者纂

愛斯香纂

五卷安燭

卷十六半

漢書地理志

正教安慰目錄

卷之一

小引

耶穌捐軀之傳

耶穌受難前之言行

耶穌臨危

審問案

惡徒定罪耶穌

惡徒釘耶穌十字架

耶穌復生

耶穌升天

卷之二

耶穌言行之解註

耶穌設禮

耶穌慰門生

門生之本分

耶穌應承將賜聖神

耶穌代門生祈禱

門生之言語

卷之三

耶穌臨危

小引

耶穌進園

惡黨捉耶穌

耶穌在祭司元魁之院

彼得羅背師

審問案

奸門生自縊

耶穌立總督之前

耶穌立加利利侯之臺前

總督判斷釘耶穌十字架

耶穌獻已爲祭祀之釋義

耶穌往死地

惡徒釘耶穌十字架

耶穌掛於十字架

耶穌之訣

耶穌崩

葬屍

卷之四

耶穌復生

小引

耶穌自現與仁婦並門生也

耶穌現與兩門生

復生之完結

耶穌現與門生在湖邊

耶穌昇天

耶穌降聖神

耶穌令門生行異蹟

耶穌感化人

耶穌坐榮位

正教安慰卷之一

小引

居世在險海、天國乃吉岸也。如欲渡險海、而登吉岸、自恃己力、奚由而至。人不知路、迷惑臨危。惟上帝導訓、左提右扶、航海無險、至吉岸也。嗚呼、迷世敬地之師、而不尊天之師。崇異端、而輕正教。離直道遠哉。蓋天之覆地之載、凡有血氣者、甚願常享福也。行真福之道、至吉岸鮮矣。故聖經曰、爭進小門、蓋引沉淪之處、其門乃大、其路乃濶、進之者多也。惟引常生之所、其門乃小、其路乃窄、遇之

者少也。人之不專務享真福奇矣。或不知其路。或不識真福。或好惡。惡善。或盡心世務。或陷於魔之誘。而亡也。嗟。人有肉身之疾。不惜重費。請名醫也。有心神之病。怠於細究。懶以服神藥矣。人圖世之事。娶妻生子。度生而已。顧肉身。雖身亡。魂存而不理靈魂焉。既是如此。人皆願常生。或建功立名。或欲長生不死。臨死。骸骸皆悅生也。雖好生。畏死。而不勉強避。永死之危也。此書論永福。辯永生。且引路。至吉岸。善讀者。焚膏繼晷。尋繹揣摩。以盡其義矣。願知引永生之路。必知耶穌之仁德。耶穌上帝之子。代人類拚命。

爲我捐軀。以賜我永福也。替世人致命。以錫庶民永命也。欲享永生者。必知耶穌捐軀之傳。願至吉岸。必隨耶穌之導也。

捐軀之傳

耶穌受難前之言行

救主耶穌降生三十年後。通遊猶太國。傳教施仁。體恤格外。且行神蹟。令人改惡遷善。善者信從。惡者棄教。尊貴者甚驕傲。嫉其德。計謀欲殺之。遂議曰。此人所行靈蹟殊多。從之者益增。我若不管束之。誠恐國家教門兼亡。因信者甚多。不敢顯行。止待機會。恰好

乘勢殺耶穌也。

耶穌之門生中，有人名猶大士，素偷竊。凡人所授耶穌門生衆供用之物，每有餘羨，不頒施貧，而自竊私用。今魔鬼挑之，旣聞知國家百官欲謀殺耶穌，則謁見祭主曰：我願背師賣之，賄賂若干。祭主歡喜不勝。約與三十塊銀錢。猶大士遂待機會賣師也。

當時猶太民設瞻禮宴，守節期，名曰逾越節。宰羔赴席，以記昔時皇上帝釋本始祖出麥西國，使紅海之水，分開乾涸，且導始祖通行。但麥西國王率兵追趕，正至海中，水復退，兵弁被水淹斃死也。

因此守是禮也。

耶穌預見將遭難受死。屆期諭兩門生曰。進城。隨人。擔水埕。跟從。並入屋也。問家主曰。師與門生食禮宴之堂安在。家主遂將指爾廳堂。備齊十全。彼排宴可也。門生遵照。設筵。晚時耶穌帶諸門生赴席。曰。良久我慕同爾食此禮宴。我受難之先矣。正坐席之時。某婦來。傳耶穌以貴香油。門生不悅。惟耶穌曰。其所作者。爲葬我所做也。遍地傳福音之時。亦繫念其婦行。夫耶穌疼愛門生。將別之時。其愛情愈篤也。故此離席。脫表衣。繫腰。傾水於盤。起濯門生

之足、且拭之。首至門生名彼得羅。惟伊執拘、推辭之曰、終不可濯卑脚。耶穌曰、我所作者、未能遽達、後必達之。倘不濯足、爾與我無交之理矣。曰、吾不獨洗卑脚、連渾身可滌也。曰、潔淨者、止須濯足、爾等已潔、獨有一人、不如是。講此言、耶穌指猶大士、將賣之也。濯足之後、復穿衣服、再坐下。對門生曰、爾等稱我主師、最是我表儀、爾宜做法也。僕果然不超主、且奉差者、不超差之主也。爾主師若濯爾脚、亦宜相濯也。相遜、相愛、果能徵爲我門生也。亦曰、爾輩中有負我者。衆惕然問耶穌曰、或我乎。曰、共我伸手於盤者、是也。惜

乎彼負我。莫若無生也。猶大士曰。我師是我乎。曰。爾自說也。所願作。宜速爲矣。時已暮夜。猶大士出也。惟耶穌坐席。取麪餅。祝之。謝後。擘之曰。爾各食此。卽乃我體也。代爾而捐焉。並拿爵。祝之曰。爾等各飲之。此乃我血矣。卽新約之血。爲多人而流也。遵照行禮。當記憶我也。

遂對門生曰。爾勿慟心。常信上帝。亦信我矣。吾父之家。多有家室。不然。我當告爾。我今往去。爲爾備寓。且我若往。爲爾備寓。我必復來迎爾歸己。則我所在。爾亦同在矣。且我所往。爾知。其路亦識矣。

門生名多馬曰。主之所往。吾等不知。焉能識路乎。耶穌曰。吾乃路也。真理也。生活也。無從我者。不得見天父也。爾若識我。則識我父。自今以後。爾知且見之也。一人名非立曰。主也。以天父示我足矣。耶穌曰。非立也。仍久偕爾。還不識我乎。見我者。則見天父也。爾且說以父示我者何也。吾在於父。父在於我。爾豈不信乎。我所言者。非私言也。吾所行者。父在於我。而行之也。我在於父。父在於我。斯言可信也。惟不信斯言。則信斯功也。我誠告爾。凡信我者。吾行之功。其亦必行之。又大於斯者。其亦可行。蓋我歸父也。賴我名而求。

者。不論何事。吾必行之。則父以子見榮也。凡賴我名而求者。吾必行之矣。爾若愛我。則守我誠。且我求父。以他勸慰者。賜爾也。可與爾永居。卽真聖神。世人不接者。因不見不識也。惟爾識之。因偕爾住。又居爾心也。吾不遺爾孤獨。我必就爾也。暫且世人不復見我。惟爾見我。因我常生。爾亦生矣。當日爾可知。吾在於父。爾在於我。我亦在於爾焉。循我命者。誠愛我也。凡愛我者。我父必愛之。我亦愛之。而自現與之也。亦有門生名猶大士。謂耶穌曰。主現與我。不現與世者。何耶。耶穌曰。凡愛我。而守我道者。我父必愛之也。且我

父子將至，偕之往焉。不愛我者，不守我道也。今所聽者，非我私道，乃父遣我者之道也。吾尚偕爾，有述是言。惟有教化者，卽聖神，父緣我名而遣者，彼將以萬理教爾，又以我諸言，示爾記憶也。吾遣爾平安，又賜爾我安。且吾之賜，非如世人之賜，故勿動心，又勿驚懼也。爾聽吾言曰：將往而復來。但若愛我，則喜我歸父，因父大於我也。今事未成，吾先告爾，致事成後，則可信也。此後我無多言告爾。蓋世人之君，將至，惟無干我矣。然世人可知，吾誠愛父，故循父命，如是而行矣。起來，由此往去也。

耶穌又曰、吾乃眞葡萄樹、吾父其農人也。吾內之枝、不結菓者、農人
去之。凡結菓者、農人清之、致結菓尤多也。今有斯道、吾所傳者、
故爾皆清也。恒居於我、而我於爾、正如木枝、不恒於葡萄樹、自不
能結菓。如是不居於我、亦不能結菓也。吾乃葡萄樹、爾乃枝梢也。
凡居於我、而我居之者、則結多菓、然絕於我者、無所能爲也、不居
於我者、如枝不居于樹、必除成枯、爲人拾之、投火而燒矣。若爾居
于我、而吾道處爾者、則隨求必成也。爾結多菓、則榮吾父、誠我門
人矣。如父愛我、吾亦愛爾、恒存我愛矣。爾守我道、則存我愛、似我

守父道而存父愛焉。吾言斯情，致吾喜樂，恒存爾中。又爾喜樂，可以充滿矣。斯乃吾命，使爾相愛，似我愛爾焉。愛友捨生，愛無可比也。倘從我命，則誠我友矣。自今以後，吾無稱爾僕，因僕不知主之行作，惟稱爾友，因吾所聽于父，皆報爾知也。爾未招我，乃我招爾，使爾結菓，而菓常存，致以我名而求者，父可賜爾也。此乃吾命，卽爾相愛也。若世人恨爾，斯則可知，未曾恨爾，其先恨我也。倘爾從世俗，世人必愛其類，惟爾不從俗，乃吾拔爾出衆，是故世人恨爾也。可念吾言，僕非大于主。人若害我，亦必害爾。若守吾言，亦守爾。

言也。但人不識遣我者，則緣我名必加爾斯害也。若吾未來教人，則無罪。惟今其罪不得諉辭也。其恨我者，亦恨吾父也。若吾不爲，他人所不得爲者，其棄我者，無罪矣。惟今斯人，且觀且惡，連我與父矣。如是其律例所云，人無故惡我者，可得效驗也。惟吾由天父，必遣勸慰者，卽真理之神，由父而來者，此神至時，必証及我，爾亦可証，因自始偕我也。

耶穌又曰，吾言是情，免爾見怪矣。人將逐爾出公堂，又將來人必以殺爾爲順天之事也。是情必行，因不識父，亦不識我也。吾述是

情待時臨至、爾可記吾曾言之、當初未言之、因吾尙偕爾也。今歸遣我者、爾亦無問何往、惟聽是言、心滿憂悶矣。然吾實講、吾往令爾受益、蓋吾不去、勸慰師弗來。但吾一往、則遣之來矣。且勸慰師旣至、則必誨世、認罪、知義、判斷也。其教人認罪、因不肯信我、其導人知義、因吾歸父、不被爾見、其示人判斷、因世俗之魁判斷矣。吾尙有多端、欲述爾知、惟今不能聽之。待真神至、則導爾認真理、蓋神弗私言、乃傳所聞者、及達爾知後來之事矣。其必取我道傳爾、致榮我名也。父所有者、亦我所有也、是故吾云、其必取我道傳爾。

矣。霎時不見我，復霎時可見我，蓋吾歸父矣。門生相語云：霎時不見，霎時再見，因吾歸父者，是何言哉？故曰：此其所言霎時何耶？吾不知斯言何耶？耶穌自知門生要問，故言曰：吾言霎時不見，霎時復見者，豈尋問乎？吾誠告爾，爾將啼哭，惟世人喜樂，爾將憂悶，惟爾之悶可變爲喜矣。婦臨分娩，則憂，因其時到，然子一生不記其痛，因喜產人出世矣。如是，爾今懷憂，惟吾復臨，爾心則喜，又無人能除爾喜矣。當日不須求我何物，蓋吾誠告爾，凡托我名求父者，其必賜之也。素托吾名，爾無所求，今求且得，令喜充滿矣。吾以此

喻告爾，惟將來無復設比喻，乃明白達知天父之情也。後托吾名祈禱，又吾弗說替爾求父，蓋父本愛爾，因爾愛我，又信我，由上帝來也。吾由父降世，吾復離世，歸父矣。門生曰：今爾言明，無設比喻，吾今知爾識萬理，不須復問，以此吾信爾由上帝來也。耶穌曰：今且信乎？夫時將來，今且有之，以爾各人歸鄉，離我獨在，然我無獨在，乃父偕我矣。吾述是情，令爾以我名獲安，在世受難，然勿喪心，吾已勝世矣。

耶穌言畢，則舉目仰天，曰：父乎，時臨，顯我爲榮，致我亦榮父矣。蓋

父賜我有權、管理衆生、致父所封我者、我亦賜之永生矣。永生乃此卽識天父、獨一眞 上帝、並識耶穌基督、父所遣者也。我曾榮父於世、父所托之事、我已成之矣。今求父以本榮耀我、卽未開天地之先、我偕父曾有之榮也。○父賜我出衆之門人、我以父名傳之、本來乃父之人、父亦賜我、其又守父道也。斯門生知、父所賜我者、本由父而來也。且父傳我之道、我亦傳門生、及門生納之、且知且信我由父出、併父遣我矣。我爲門生而祈、非爲世人而祈、乃爲父所賜我之民、蓋父之本民也。且我所有者、亦屬父也。併父所有

者亦屬我也。且門生榮我矣。我無恒在世。惟門生在世。又我歸父也。聖父歟。既以斯人給我。則賴尊名保護之。致門生歸一。如父及我成一體焉。我尚偕之在世。我賴父名保護門人。父所賜我者。我保護之。而除亡子之外。無所沉淪者。正驗聖錄也。今我歸父也。我尚在世。有言斯情。致門生享我喜樂充滿矣。我以父道傳門生。而世人怨之。因伊不從世俗。似我不從世俗焉。我所願求。非移門生離世。乃免門生陷惡也。門生無從世俗。似我無從世俗焉。望父以真理教門生成聖。且父之道者。是則真理也。似天父遣我入世。我

亦遣門生焉。爲門生之好，我捨自身，門生以真理成聖矣。我今祈求不但爲此人，乃爲後人，聽道而信我者也。致衆門生歸一，如父在我，並我在父，如是衆門生，在於父及我，可成一體，致世人可信。父誠遣我也。且父賜我之榮，我亦賜門生，致衆合一，似父及我成一焉。我在門生，父亦在我，致門生歸一，及世人可知父遣我，亦愛門生，正如愛我焉。父所賜我者，願其偕我，致見父所賜我之榮，蓋未開天地，父先愛我矣。公義之父乎，世人不識父，但我識父，而門生皆識父，乃遣我也。我以父名達知門生，猶將達知之，致父愛我。

之情、可及門生、且我偕之焉。

言畢、門生爭辨誰超乎天國。耶穌曰、諸國之王治也、掌理之者、可稱恩主也。爾不然。爾中之長、必是猶弟、主治者、如僕也。且我如爾僕也。但爾等恒偕我、遭挫折矣。故此我以國封爾、猶我父封我亦然。爾同我赴席、飲食于我國也。坐位、審判以色列民十二宗派也。亦對門生曰、今夜爾等、一齊怪視我也。經云、我擊牧者、羣羊悉散。惟彼得羅曰、雖人皆背師、我不背也。曰、我真語爾、今夜雞鳴二次前、爾却背予三次矣。曰、偕主願坐囚、冒死矣。且門生皆說如是。耶

亦對門生曰、我差爾、未有囊袋鞋、有缺否。曰、否。曰、今諭爾等、賣囊衣、且買劍焉。蓋經云、將視之當賊。言者指我、必應驗、及諸事罷了。門生曰、有劍兩口、曰、足矣。

耶穌臨危

嗣後耶穌暨門生、至園曰、坐茲待予祈禱。爾等亦宜寤醒、祈禱、免陷於誘惑、且帶三門生、拒擲石之地也。蓋負諸人之罪、始怖怯、憂鬱曰、我愁死也、爾等偕我寤醒。遂俯伏禱曰、吾父、如其可也、願此苦鬱離我。但勿允我願、乃聖旨成矣。三次祈禱亦然。憂深、禱愈謹。

渾身汗血流地。正躊躇間，天使降來補力矣。蓋耶穌負萬人之罪，今遭難無已矣。再三看門生皆寐。曰：不能同予寤一時，必寤禱，免陷於誘惑也。心毅身弱矣。不期對門生曰：屆期將解人子賣之者，已近，起偕我去矣。

審問案

言未畢，猶大士率兇黨奉祭司元魁之命，持炬操戈。惟耶穌自然迎之，問道：爾尋誰乎？伊等曰：尋耶穌。曰：我是也。聞此言，惡黨驚怖，退仆地。耶穌指門生曰：若尋我，容此人往也。且猶大士親嘴耶穌。

忽然惡黨擒耶穌。正躊躇間，彼得羅拔所佩劍，砍祭司元魁僕之耳。惟耶穌責之曰：「放劍，莫非吾父可差萬千天神護衛我。若如此，聖經如何能應驗乎？」卽醫耳也。對惡黨曰：「爾等出操戈持劍，如掠賊。每日我坐殿中教誨，惟爾等弗捉我。今惡黨能乘機會矣。但門生看形勢如此，皆散也。惡黨就導耶穌，祭司元魁之殿焉。祭主長老輩兼會。惟彼得羅、約翰兩門生，遠追並進院焉。公會就問耶穌傳之道，招之門生如何。曰：「我顯然講論於世，於公堂誨人，一毫也。我未嘗隱焉。今當問聽我者也。」傍侍遂掌耶穌面，曰：「爾答祭司元

魁如此耶。耶穌答曰：我答誤，宜示其誤。若善，因何掌我。嗣後議會謀害耶穌，只恨無實據。雖然購賊妄証，終不符合。卒然二証出，曰：是人昔云，予敢毀聖殿，不三日間，自新再造。斯言我輩親聞也。惟耶穌不對。祭司元魁曰：此人告爾而無片言以訴乎。耶穌默然不答。祭司元魁曰：我因至上帝發誓，令爾明語，爾乃上帝之子否。耶穌曰：我是也。自今以來，爾將見人之子，坐皇上帝之右座，乘雲而來也。緣此，祭司元魁聆言，嗔甚，裂袍曰：此人褻瀆上帝，尙須有証見乎。瀆上帝之言，爾等明聞矣。判當如何。僉曰：決可死矣。言未畢，

役隸口唾手擊耶穌。蓋面問曰：「示我擊爾者誰乎？」並防守兵卒咸擁欺侮戲誚耶穌也。

惟彼得羅自遠隨耶穌入署中。與羣役附火守門之婢曰：「爾爲斯人之徒否？」曰：「否。我不識此人。」言未畢，卽出墀。鷄初鳴，適出。他婢見之曰：「斯人果從耶穌。」誓曰：「我不識是人。」近火武卒隸役亦然說也。爾土話明露誠是也。亦有人曰：「我看爾暨耶穌在園焉。」彼得羅曰：「我實不識此人也。」言未畢，鷄再鳴。遂憶主云：「鷄二番鳴之先，爾三番必背予。」卽出門慄哭苦泣矣。正耶穌出門之時，惘然轉盼，光照

其心也。

惡徒定罪耶穌

天既黎明，長老輩祭主等再集，共議謀欲殺耶穌，縛且押送公堂。曰：爾乃救世者，可明語我。對曰：若語，爾輩弗信；若問，爾輩弗對。弗釋我。異日將視人子，安坐上帝權之右手，乘雲來也。僉齊出言曰：若然，爾則爲上帝之子。曰：爾等自說予是。衆曰：奚必他証？証出厥口，我等親聞。急起緊縛耶穌，押送羅馬總督。

夫背師之門生猶大士，見主決死案，自覺本罪甚重，形神失措，還

三十塊銀錢給祭主曰。我大犯罪人。賣無辜之血。伊等曰。爾罪我何干。宜預籌也。惟猶大士急棄其錢且出。自縊死。祭主曰。此銀血價。弗可捐聖帑。故買陶地。作旅人義塚。斯地自當日迄今。稱血地也。故聖人有預知之才。云。其將三十塊銀。其估我之價。售陶地也。當是時。此言應驗矣。

押送耶穌到總督署內。大人問道。爾等訟斯人何狀。曰。斯人若無辜。不必解。乃倡亂。傳異端。遍煽惑士民云。不宜輸納貢賦。自稱爲國王。惟耶穌嘿然。不對也。大人曰。依本國律。爾等處斷之。曰。我等

定死案無權焉。大人問耶穌道，爾乃猶太民之王否？曰：自發斯問，或預聞於人。曰：以我爲此國人乎？爾本地人暨祭主解爾於我，爾出說素行如何？曰：我國弗由是世，若我國由此世，則吾臣必戰，免得解我也。予國弗在此。大人問曰：爾乃猶太人之王否？曰：予爲王，我降世，証真理。眞實之人聽納我言焉。大人曰：真理何耶？問畢，再出。謂衆曰：詳察其人，果然無可罰辜。惟庶民不絕亂呼也。總督聞知耶穌本是加利利省，遂押送之，其地之君蓋君居京。風聞耶穌之靈蹟，得見救世主，甚所望也。願吾主當面行靈蹟矣。雖多問，耶

蘇默無出言焉。君不悅，就欺藐之。且穿白衣還押送總督。是日其君與總督復和。蓋素互結讐也。總督遂對祭主並庶民曰：爾等皆送此人於我，有犯罪，爾今所訟。庶民當面省察，而無罪也。加利利君亦然，不加死刑也。莫若責之，後釋之也。

按國例，於瞻禮日，隨民願，必釋一獄犯。是時有個匪徒，兇手與亂之際，殺人也。總督使之與耶穌並站，問衆曰：二者爾欲釋誰耶？惟長老輩挑民，稟放兇手，而問死罪耶穌也。總督再問衆曰：爾王如何。衆頻呼：釘之十字架。大人固知，民如瞽盲，祭主嫉忌。對衆者曰：

我細勘而無死狀。責而釋之足矣。卽諭笞撻耶穌。繫之石柱。以堅繩鞭之。全身剝傷。血流于地。此後兵丁擁圍耶穌。穿王紅袍。示弄權之恥。織棘爲冕。加首。手插竹竿如柄。跪拜戲侮之曰。千歲爺。後唾面。以竹打首。總督便攜耶穌出。謂衆曰。今我審之。而無罪也。耶穌遂出。首戴棘冕。身着紅袍。總督遂曰。視哉其人也。惟祭主。員吏等。一見耶穌。喊曰。釘之十字架也。釘之十字架也。總督曰。爾自拿之。釘十字架。蓋吾看之無罪也。猶太人答曰。吾有律法。依此律法。其該服死。因其自稱上帝之子也。大人聽此。尤懼矣。故復入衙門。

語耶穌曰、爾本由何耶。惟耶穌不應曰、爾不答我、盍知我有釘汝權、並有釋汝權乎。耶穌答曰、若上天不許、則大人無權管我。是故解我者、罪更重也。既是如然、總督愈勉強放之。惟猶太人亂喧曰、若放此人、非皇帝之忠臣矣。凡自冒王名者、背判皇帝也。總督聞是語、坐案。午正時、對衆云、視爾王也。僉狂呼曰、棄之、棄之。曰、爾王奚何釘哉。曰、我王無他、乃皇帝而已。正躊躇間、總督之夫人遣使告曰、爾與此義人無干。蓋昨夜夢中、我爲他無安。惟總督見、設多計終無益。庶民加呼喊也。故將水、庶民當面盥手。特意示耶穌之

定罪與己無涉矣。曰。我清潔與此義士之血。爾等自顧。衆齊聲答曰。吾輩並我子孫。俱任受其血之辜也。故總督怯懼。姑徇衆情。定死案也。

惡徒釘耶穌十字架

兵弁脫耶穌之紅袍。穿之本衣。惟耶穌自負十字架。往城外死地。但力已衰。不能速行。伊等令異國人並負之也。維時隨耶穌者無數。亦有幾仁婦。哀泣。惟耶穌顧之曰。勿緣我哭。而因親自兼子孫泣。可也。蓋成此事與義人。况與不義者哉。且聖母與他聖女難禁

哀痛奔隨耶穌、遠望痛心、流淚而已。

適纔耶穌至死地、卒隸將酒和苦膽與之飲。惟耶穌嘗之、不可飲也。便脫耶穌之衣、釘耶穌之身於十字架。上開兩手、釘於橫木下。合兩足、釘於直木。左右釘匪徒兩人也。惟諸兵卒、旣釘耶穌在十字架畢、便拿其衣、分爲四分、每卒一分、其袍亦然。且其袍無縫、自上以下、渾織成全矣。故相論曰、勿裂破之、乃卜卦看誰所得也。故驗聖書所云、其分我衣、占卜我袍矣。兵卒所爲者、正如是也。因耶穌被釘十字架之處、乃近城、人多來看之。惟總督書案題三樣話。

音、插十字架上。題曰、猶太人之王者、耶穌拿撒勒人。祭主讀之、曰、可書云、其自稱猶太王。總督曰、我之所書、則已書之。當耶穌懸十字架之際、長老輩祭主惡黨誚之曰、是人素云、毀聖殿、而三日後復建之。倘爾爲皇上帝之子、從十字架降下、我卽可信也。能救他人不能救已。

耶穌受十字架之苦、曰、天父寬宥罪、伊等弗識所行焉。盜同懸、譏之曰、爾若爲救世者、救爾並救我輩。他盜責之曰、爾不畏上帝乎、我等之罪重、應受此義刑、惟此人不犯何罪也。則望耶穌曰、吾主

達爾國之際、記憶我也。曰、爾今日必偕我在樂堂也。

聖母近立、耶穌架傍、並數賢女。耶穌視其所愛之門生、曰、彼爲爾母。對聖母曰、彼爲爾子。自此以後、門生孝待之於本家也。不期、耶穌籲曰、吾上帝、吾上帝、爲何棄我也。立刻其站旁者、聞其聲、或謂、或將竿頭、置醋與耶穌飲也。且耶穌嘗之、已知聖旨竣成、世功已完。曰、已成畢。長歎語、吾父、以我神、托父手。言訖、俯首絕息矣、而崩矣。耶穌崩後、兵士折二盜之髀。見耶穌已死、一卒持戟刺其胸右側。卽漏水血焉。正耶穌絕息。太陽暗黑。且聖殿帷帳、從上至下、自

諸婦回去，只畱一女，獨身徘徊，不能去矣。忽然耶穌現，問曰：汝何哭，寃誰乎？其婦視之，以爲老圃，曰：相公若移屍，請語我知，放在何處，給我收之。耶穌曰：馬利亞，卽是婦之名。伊轉身曰：夫子也。耶穌曰：吾未上天見父，故勿摸我，乃往見兄弟，語之曰：吾將升天，見吾父，及爾父，見我上帝，及爾上帝。不期兩門生并走進墓，看二神使，而不見屍也，大奇矣。惟一門生信耶穌復生。他門生回家，路上見耶穌，欣喜溢胸膛。當日有兩門生，行路相論耶穌之受死也。忽然耶穌親身陪之行路也。但門生不認之也。耶穌問之曰：爾何相論？

易懷則憂伊等曰論耶穌我祭主所釘十字架而我等盼望其將
救我國乃今已死三日我中有人曰今日至墓不見屍只見天神
曰耶穌復生因此耶穌責之示先聖所預言論指救世主一一符
驗基督必受難且進天父之榮也且抵房之時耶穌作別惟門生
請之進宿耶穌正赴席坐間祝餅擘之與門生食率然認是救世
主但耶穌卽不現立刻起身旋城以此事報同門生且伊閉門集
會此時耶穌自來中立語之曰合家平安矣言畢以兩手傍脇與
之看門生見主實在復生喜不勝也耶穌曰大家納福正如父遣

我。吾亦遣爾言畢。吹出口氣。語之曰。可領聖神也。凡爾免罪。則誠免罪。凡爾定罪。則誠定罪。當時有一門生不同在。聞知耶穌現。曰。我要見其手中之釘跡。且插指入釘跡之內。併插手入脇孔。不然。不信也。八日後。門生復集。亦其門生同在。忽然耶穌現。立其中間。曰。大家納福。遂語多馬曰。爾指伸來。省察我手。又伸爾手。摸我旁脇。勿爲不信。乃真可信也。門生卽伏拜曰。吾主吾上帝也。耶穌曰。爾見則信。惟其不見。亦信者。誠有福矣。異日。門生三位。出捕魚。終夜無所獲也。早耶穌立岸。惟諸門生不知其誠耶穌也。曰。二子

乎。爾有物食否。曰。否。曰。船右拋網。方可得魚。門生循命。拋網得魚。甚多。不能收入也。且耶穌所愛之門生。語彼得羅曰。是誠主矣。門生卽跳海上岸。他門生拉網岸上。登岸之時。看有火炭。其上有魚及餅也。耶穌曰。纔捕之魚取來。共計大魚百五十三尾。魚雖多。網不破矣。耶穌語曰。來食。且諸人之中。無一敢問是誰也。因知是主矣。惟耶穌取餅。分衆。其魚亦然。食完。問彼得羅曰。爾比斯衆。更有愛我乎。曰。是也。主知我愛主。曰。牧我羔矣。再語之曰。爾誠愛我乎。曰。是也。主知我愛主。曰。牧我羊也。再三語之曰。爾誠愛我乎。彼得

羅三次見問、愛我、則憂悶曰、主無所不知、則可知吾誠愛主矣。耶穌曰、牧我羊也。吾誠告爾、尙少年紀、爾自束帶、隨意往來、惟老年紀、爾將伸手、別人繫帶、導爾、所不欲往之處。言此、指彼得羅之死狀、將榮歸上帝也。言訖復曰、從我矣。亦有他門生並隨也。○耶穌復生之後、耶穌基督四旬駐世。亦現於諸奉教者、五百人。講論天國之事情、堅門生之信德、備門生之心、可傳福音焉。

耶穌升天

四旬後、耶穌再現、責其奉教者、難信自復生也。諭門生駐京都、待

聖神降臨、補恩寵、加能德。亦飭令門生、廣敷聖教、始猶太國、及遍天下諸國。曰、爾乃我証見。凡上天下地之權、已交托我也。故爾等宜往訓萬兆民人、施洗禮、念神父、神子、聖神之名。凡我所命、爾等應教之遵守。受洗且信者、獲救也。非信者、已定罪也。自有聖蹟明驗。賴我名、能逐邪鬼、能言異語、踐毒蛇者、不害爾也。撫病者、卽痊焉。蓋我恒陪爾至世之窮盡也。言畢、帶諸門生出城、往山也。門生問曰、主將復興我國否。曰、斯是父之定期日。但爾應領聖神也。安候于京都也。遂降福與門生之後。耶穌乘雲、上天堂、坐神父之右。

手治萬國也。此時間門生仰蒼穹，不可去也。惟天神二位曰：胡更瞻望乎？此耶穌從爾中者升天。異日如此而來也。故此回京，恒禱，領聖神後，傳教於普天下也。

正教安慰卷之二

耶穌言行之解註

救世主論天情、而不解世務。曰。欽崇、敬愛上帝、凜遵聖旨、爲萬善之原。敬愛上帝、亦博愛世人、愛他如己、乃遵聖旨矣。上帝愛我、我宜愛人、乃耶穌之道也。嗚呼、迷世、知有己、而不知有人、愛己恨他、而不盡本分矣。上帝不降德、世人不改非。故耶穌論天理、令萬人仰之。

惜哉、人類專務塵塗、志向俗世、不向天道焉。是以救世主苦勸世

人留心望天，弗陷物欲。自天降下，藉人狀表善儀。晝夜祇畏上帝，祈禱懇求，上帝俯念救人。耶穌凜遵天法，德行圓滿，盡順聖旨。表儀雖善，人之能不足效之。必改其意，應化其志，除本惡，賦善性，只有效法之神能也。善性，神能，乃天之稟賦，非人本性也。聖神感心，動志，則秉彝自然而生也。耶穌降世，教化受苦，遭死復生，升天，遂賜聖神矣。

耶穌將死，微言闡明，門生如何能自拔於流俗，並悟改其非矣。應承將降聖神，排難分憂，導人行天道，傳之真理，且啟耶穌救人之

大義矣。

耶穌所言，雖論門生，亦關萬世。其味無窮，皆實學也。善讀者玩索而有得焉，則終身用之，有不能盡者矣。必顧永福之要，死後之情形，謹慎避災，且企慕天之鴻祉，不既矣。耶穌代我罪死，愛慈人類，捐命也。既知世人陷永苦而不自救，故躬親救之。人將墮地獄，而耶穌不忍坐視顛危，而不持，不扶也。其愛無限，其慈無量。看官細思其先受難之言，自是觀之，其愛甚矣。

一日耶穌洗門生之腳，苦勸相愛，相讓，表儀，令門生效法也。洗腳，

爲僕之事。耶穌雖師，却濯之。故曰：吾誠告爾，僕非大於主，役非大於使之者。爾若知是，幸可爲之。師若兼志，事門生，況門生宜盡心竭力謙遜也。自卑，高他，乃耶穌正教之緊要也。故曰：欲爲大于天國者，必成諸人之僕也。自卑將高，自高將卑矣。上帝拒驕傲者，而恩慈謙遜者。上帝雖大，却俯念謙人矣。自矜而禱上帝者，莫不見棄也。豈非嚴哉。我若相讓，恭待他人，連他犯觸我，則甘心赦罪。蓋自覺有罪，如海邊之沙，若林樹之葉，何不可赦宥哉。

耶穌洗脚，以表儀門生之潔。門生皆潔，獨有一人，背師不潔也。故

曰、吾所選者、吾自知之、致聖錄得驗云、偕我食餅者、起脚擊我也。此言示耶穌之恩慈厚也。惟門生背師、甚負之、報慈答恩、以讐以恨焉。貪心利己、謀賣恩主矣。諸門生未知此人之惡弊、故猜疑其言焉。惟耶穌預知萬物、先報曰、事未成之先、我早語爾、致事成之後、爾等可信我爲聖也。

耶穌淨我、我則潔清也。耶穌不潔我也、我恒濁矣。其所說清潔、乃除罪惡、賦赤子之心矣。無邪無慾、無血氣之情、真可謂門生矣。亦曰、二三子乎、我暫時偕爾、爾將尋我、而我所往者、爾不得至也。

素語猶太人已有斯言。今語爾者，正如是也。吾以新誠囑爾，卽互相愛，似我愛爾，當相愛也。爾互相愛，則衆可知，誠吾門生也。耶穌將離別門生，其憂矣。預報門生所將遭之難以安其心也。師離門生，門生苦楚。但凜遵所傳之誠，且效法聖師。真存記，覩目關心，體行師之教矣。耶穌所囑之誠，俱歸一，正是相愛也。律例之頭緒，全人之矩矱，可總一言，一句，愛他如己矣。故曰，不可負債，而慕相愛。蓋愛他者，盡法律也。誠曰，勿淫，勿殺，勿偷，勿謊，勿貪。倘有別誠，一言包括之，卽愛他如己焉。

耶穌痛愛門生，甘心捐命。其愛情如海一般深，如山一般高，無以復加矣。耶穌甚愛我，我應愛他。耶穌慈我，我宜慈人，是我本分所當爲也。以答恩慈，以遵聖命，終生必愛也。未愛他而爲耶穌之門生，未之有也。其愛情不止於愛門生，乃救世主曰：勿以惡報惡。人掌右臉，又轉向左臉也。人與爾爭訟，欲奪爾衣，聽他連奪袍焉。被人催令陪行一里，則同行二里路也。欲對爾借者，勿推却之也。我諭爾：敵爾者，愛之；咒爾者，祝之；怨爾者，施恩之；妄告累害爾者，代之求上帝。如是可謂天父子類。蓋天父令太陽照善惡者，並降雨。

滋潤義，不義人故爾德全備，如天父至聖焉。

耶穌預知其逝此世，歸父之屆期，神心憂悶。曰：據預定命，人之子宜逝矣。但負人子，且賣之者，莫若此人不生矣。賣師者，乃門生也。貪銀而賣之，被魔鬼誘惑，而負師也。門生與祭主定約，謀殺耶穌。其惡弊不勝矣。故曰：莫若此人不生也。

耶穌設禮

夜時，耶穌坐席。擘餅，祝謝，分與門生。曰：爾等各食之，卽吾體矣。代爾所捐者，亦取爵，祝謝，分門生。曰：爾等各飲此，卽吾血也。正新約。

之血爲多人而流也。爾等當如此行禮，記憶我也。

此聖禮耶穌設，令門生皆銘刻，親躬捐命，贖萬世之罪也。餅者，乃體之表。酒者，乃血之表矣。真可謂奧妙之理也。是以耶穌對猶太人曰：爾當勞心，勿圖可壞之糧，乃求常生之糧。且給爾此糧者，正乃人之子也。蓋神父敕封之也。衆曰：我等何作，可遵上帝之旨乎。耶穌曰：上帝所遣者，爾卽信之，正合上帝之意也。曰：爾行何神跡，致見可信也。爾有何行耶。昔吾祖在野，有食甜露，如經云：由天降餅，賜人有食。耶穌曰：吾誠告爾，摩西賜爾，非天餅也，惟吾父所賜。

者真天餅也。蓋由天降賜世得生者，斯乃上帝之餅也。僉曰：王常以斯餅賜我也。耶穌曰：吾乃養生之餅，凡就我者，永不覺飢矣。凡信我者，永不知渴也。但我語爾，雖見我不信。凡天父賜我者，皆必就我，而凡就我者，吾不逐去矣。吾由天降，非循己旨，乃遵遣我者之旨也。凡天父賜我者，吾不失之，乃世界末日復甦之。斯正遣我者之聖旨矣。又凡見神子而信之者，可享常生，而世界末日，吾復活之，斯亦遣我者之聖旨。聞耶穌自稱天降之餅，猶太人讒曰：此豈非約色弗之子耶穌乎？其父母非我所識乎？則如何自謂由天

降臨也。耶穌曰：勿相讒人也。若遣我之父，不引之，則無人能就我。但凡就我者，待世界窮日，吾將復甦之也。聖人之錄云：諸人將蒙上帝之教也。故凡聽順天父者，必然就我也。由上帝而出者，已見天父也。但除其外，無人見天父也。吾誠告爾，信於我者，享常生也。吾乃養生之餅。爾祖在野食甜露而死，然食此天降之餅者，必不見死也。吾乃天降養生之餅，食此餅者，永遠活也。我所給之餅，乃我肉身，代世人之命而捨者。猶太人爭論曰：此人焉能以肉身給我食乎？耶穌曰：吾誠告爾，不食人子之肉，不飲其血者，自無生命。

也。但食我肉，飲我血者，則有永生，而世界窮日，我將復甦之也。蓋我肉誠乃可食，我血誠乃可飲也。凡食我肉，並飲我血者，則住於我，我住於他焉。夫永生之父遣我，且我以父生活。如是食我者，將賴我生活焉。此乃天降之餅，勝於爾祖食甜露而死。但凡食此餅者，永遠而活也。猶太人聞此言道，此言難聽，誰能承之。耶穌自知門生讒論，故謂之曰：豈可因此見怪乎。倘見神子復昇本所，則如之何。靈神使活，肉身無所益矣。吾述之言，乃靈，乃活也。然爾中有人不信也。蓋耶穌本知，不信者誰，將賣之者誰乎。耶穌又曰：是故

吾言。苟非天父賜之。無人能就我也。此後門生多人背耶穌。不再從之。耶穌問其十二門生曰。爾亦欲離我乎。彼得羅曰。若離主。另尋誰。爾獨有存永生之言。我信且知。爾乃基督。自活上帝之子也。耶穌之體。天糧。自是觀之。如食糧養身。通交與耶穌。亦畜心也。而不交通與耶穌。不能保靈魂焉。耶穌捐驅流血。代我捨命矣。其死之功。裨我益也。故設聖禮。分餅以爲聖體之表。頒酒以示聖血之儀。且我飲食之時。記憶救世主。代我捐命及養心也。凡信耶穌者。赴此聖禮筵矣。耶穌之聖差。名保羅。解禮筵之義曰。主所傳我者。

吾亦傳爾。卽是主耶穌見賣之夜，取餅劈矣。後祝謝曰：爾可取食。此乃吾體，代爾破壞。行此以記我矣。如是食後，耶穌亦取杯，曰：此杯乃表新約，以我血而立者。爾旣飲此，行之以記我矣。蓋爾食此餅，飲此杯之時，卽指主死，待其復臨矣。凡食此餅，飲主之杯，不合其宜者，以爲主身、主血之罪人也。但人當自省己身，如是可食其餅，可飲其杯也。蓋不辨主體，而冒飲食者，自取咎戾也。因此爾中，多有病恙，多有睡亡。若吾罪己，則主不罪我。但主旣罪我，則遭譴責，免偕世衆沉淪也。故必潔心，誠意，食禮筵，感恩無涯，讚美耶穌。

此之謂也。

耶穌慰門生

食禮筵後、救世者甚憫門生之憂悶、排難分憂、曰、我言是情、免爾見怪矣。人將逐爾出公堂、又將來、人必以殺爾、爲順天之事。是情必行、因不識父、亦不識我也。門生聞是情、莫不心慌膽震。惟耶穌勉勵之曰、若世人恨爾、斯則可知、未曾恨爾、其先恨我也。倘爾從世俗、世人必愛其類。惟爾不從俗、乃吾拔爾出衆、是故世人恨爾也。可念吾言、僕非大於主人。若害我、亦必害爾。若守吾言、亦守爾

言也。但人不識遣我者。則緣吾名加爾斯害也。由是觀之。俗人爲何恨耶穌也。蓋耶穌門生效師之法。必遭害矣。惟人將聽其言。如聽耶穌之言亦然。惡人常恨君子。蓋人縱惡慾。棄善道。况背天道哉。莫過於斯罪矣。故此耶穌曰。若吾未來教人。則無罪矣。惟今其罪。不得諉辭也。其恨我者。亦恨吾父也。若吾不爲他人所不得爲也。其棄我者。無罪矣。惟今斯人。且觀且惡。連我與父矣。如是其律例所云。人無故惡我者。可得效驗也。善讀者。知耶穌之功勞。蒙耶穌之恩。請拊心自問。無故而惡耶穌否。設使惡救世主。罪不勝矣。

而必愛之、欽之、隨之、崇之、則免罪之嚴刑也。思之、思之。

耶穌雖明說、將離別門生、却門生不通其義矣。故曰、霎時、不見我、復霎時將見我。蓋吾歸父矣。門生相語云、霎時不見、霎時再見、因我歸父者、是何言哉。故曰、此其所言、霎時何耶、吾不知斯言、何耶。惟耶穌自知、門生要問、故言曰、吾言霎時不見、霎時復見者、豈尋問乎。吾誠告爾、爾將啼哭、惟世人喜樂。爾將憂悶、惟爾之悶、可變爲喜矣。則言比喻曰、婦臨分娩、則憂、因其時到、然子一生、不記其痛、因喜產人出世矣。如是爾今懷憂、惟我復臨、爾心則喜、又無人

能除爾喜矣。夫復臨者，示耶穌恒偕門生。身雖睽隔，然神相晤甚慰所望。耶穌解此曰：當日不須求我何物，蓋我誠告爾，凡托我名求父者，其必賜之也。素托吾名，爾無所求，今求且得，令喜充滿矣。蓋求耶穌，若往來與救世主，賴耶穌之功勞，且求神父，上帝俯念，聽其所求者，或缺日用所需，或心懷憂悶，或罪惡動心，或遭災難，無奈何，只求耶穌憫憐，排難解憂矣。耶穌又曰：我以比喻告爾，惟將來無復設比喻，乃明白達知，天父之情也。後托吾名祈禱，又吾弗說，替爾求父，蓋父本愛爾，因爾愛我，又信我由上帝來也。吾由

父降世、吾復離世歸父矣。門生曰、今爾言明、不設比喻。吾知爾識萬理、不須復問。以此吾信、爾由上帝來也。耶穌曰、今且信乎。夫時將來、今且有之、爾各人歸鄉、離我獨在。然我非獨在、乃父偕我矣。吾述是情、令爾以我名獲安。在世受難、然勿喪心、吾已勝世矣。故此勿動心。當信上帝、亦信我矣。吾父之家、多有居室。不然、吾曾告爾。今吾往去、爲爾備寓矣。且吾若往、爲爾備所、吾必復來迎爾。歸己、則吾所在、爾亦同在矣。且吾所往、爾知之、其路亦識矣。多馬曰、主之所往、吾等不知、焉能識路乎。耶穌曰、吾乃路也、真理也、生活

也。無以從我者，不得見天父也。爾若識我，則識我父。自今以後，爾知且見之矣。言者，示我永在之處，天也。門生在此世，雖受難遭苦，然來世在天堂，永享福也。本地者，乃天也。願至天，必隨耶穌。其乃路也。欲行其路，必進耶穌之真理，凜遵正教。但崇正教，沾耶穌之恩，亦享耶穌之永活，而免永死矣。故曰，耶穌乃道路、真理、生活矣。若識耶穌，就識神父。順耶穌之命，如遵上帝之命。順上帝之命，則萬福並臻矣。門生名稱非立曰，主以天父示我足矣。耶穌曰，非立也。仍久偕爾，還不識我乎。見我者，則見父也。爾且說，以父示我者，

何耶。吾在於父，父在於我，爾不信乎。吾所言者，非私言也，吾所行者，父在於我，而行之也。我在於父，父在於我，此言可信也。惟不信斯言，則信斯功也。我誠告爾，凡信我者，我行之功，其亦必行之，又大於斯者，其亦可行也。蓋我歸父，賴我名，而求不論何事，吾必行之，則父以子見榮也。凡賴我名而求者，吾必行之矣。由是言之，神父與神子合一體。信耶穌者，亦信神父也。倘信耶穌，奉天恩德，行大功不勝矣。賴耶穌祐也，祈禱上帝，將允之，此之謂也。

門生之本分

耶穌對門生曰、我遺爾平安、我賜我安、且我之賜、非如世人之賜。故勿動心、又勿驚懼。爾聽吾言曰、將往而復來。但若愛我、則喜我歸父、因父大於我也。今事未誠、吾先告爾、致事成後、則可信也。真可謂世人雖擾攪門生、然耶穌之平安滿心矣。耶穌亦曰、我乃真葡萄樹、吾父其農人也。吾內之枝、不結菓者、農人去之。凡結菓者、農人清之、致菓尤多也。今有斯道、吾所傳者、故爾皆清也。恒居於我、而我於爾。正如木枝、不恒於葡萄樹、自不能結菓、如是不居於我、亦不能結菓也。我乃葡萄樹、爾乃枝梢也。凡居于我、而我居之。

者，則結多菓。然絕于我者，無所能爲也。不居于我者，如枝不居于樹，必除成枯，爲人拾之，投火而燒矣。門生與耶穌如枝與樹也。樹芽枝長，砍枝枝槁，燒之。如是耶穌門生，弗居耶穌，且不隨之，不能行善，不可凜遵上帝之律例矣。故此耶穌苦勸門生從之，而不離也。問居救世主如何。耶穌解曰：吾不遺爾孤獨，吾必就爾也。暫且世人不復見我，惟爾見我，因吾常生，爾亦生矣。當日爾可知吾在於父，爾在於我，我亦在於爾焉。循我命者，誠愛我也。凡愛我者，我父必愛之，我亦愛之，而自現與之也。一門生問曰：主現與我，而不

現與世者何耶。耶穌曰：凡愛我，而守我道者，吾父必愛之。且我父子將至，偕之住焉。不愛我者，不守我道也。今所聽者，非我私道，乃父遣我者之道也。吾尙偕爾，有述是言。亦曰：若爾居于我，而吾道處爾者，則隨求必成也。爾結多菓，則榮吾父，誠我門生矣。如父愛我，吾亦愛爾，恒存我愛矣。爾守我道，則存我愛，似我守父道，而存父愛焉。吾言斯情，致吾喜樂，恒存爾中，又爾喜樂，可以充滿矣。斯乃吾命，使爾相愛，似我愛爾焉。愛友捨生，愛無可比也。倘從我命，則誠我友矣。自今以後，吾無稱爾僕，因僕不知主之行作，惟稱爾

友、因吾所聽於父、皆報爾知也。爾未招我、乃我招爾、使爾結菓、而菓常存、致以我名而求者、父可賜爾也。吾命爾相愛也。自是觀其愛情、乃耶穌所教之頭緒。救世主招門生、以相愛爲憑據。不愛耶穌、亦不愛兄弟。倘愛耶穌、亦愛他矣。真可謂其門生也。

耶穌應承將賜聖神

人自恃、不能進道、亦不能信耶穌也。化人之心、改人之非、爲聖神也。故此耶穌應承、將降聖神、明心、化意、慰懷、及以真道傳門人矣。救世者曰、我求父、以他勸慰師賜爾、可與爾永居也。卽真聖神、世

人不接者、因不見不識也。惟爾識之、因偕爾往、又居爾心也。惟有教化者、卽聖神緣我名而遣者。彼將以萬理教爾、又以我諸言、示爾記憶矣。亦曰、吾由天父、必遣勸慰師、卽真理之神。耶穌解聖神將來之行動、曰、吾不去、勸慰師弗來、但吾一往、卽遣之來矣。且勸慰師旣至、則必誨世認罪、知義、判斷也。其教人認罪、因不肯信我。其導人知義、因吾歸父、不被爾見。其示人判斷、因世俗之魁判斷矣。尚有多端、欲述爾知、惟今不能聽之。待眞神至、則導爾認眞理。蓋神弗私言、乃傳所聞者、及達爾知、後來之事。其必取我道傳爾、

致榮我名也。父所有者、亦我所有也。是故吾云、其必取我道、傳爾矣。蓋耶穌以聖神賜門生、又將聖神降我、教訓勸慰亦然也。

耶穌代門生祈禱

耶穌自天而來、與天交通。晝夜祈禱。適遭難之際、舉目仰天、代門生兼諸信徒籲上帝。○一曰、求上帝、加榮諸已、云、父歟、時臨、顯我爲榮、致我亦榮父矣。蓋父賜我、有權管理衆生、致父所封我者、我亦賜之永生矣。解永生之義曰、永生乃此、卽識天父、獨一眞上帝、並識耶穌基督、父所遣者。我普榮父於世、父所托之事、我已成之。

今求父以本榮耀我。卽未開天地之先，偕父曾有之榮也。父所賜我者，願其偕我，致見父所賜我之榮。蓋未開天地，父先愛我。○一曰：代門生求天父云：出於衆之中，賜我之門生，我以父名傳之。本來乃父之人，父亦賜我，其又守父道也。斯門生知父所賜我者，本由父而來也。且父傳我之道，我亦傳門生，及門生納之，且知且信，我由父出，並父遣我之矣。我爲門生而祈，非爲世人而祈，乃爲父所賜我之民，蓋父之本民也。且我所有者，亦屬父也。併父所有者，亦屬我也。且門生榮我矣。我無恒在世，惟門生在世，又我歸父也。

聖父歟。旣以斯人給我。則賴尊名。保護之。致門生歸一。如父及我。成一體焉。我尙偕之在世。我賴父名。保護門人。父所賜我者。我保護之。而除亡子之外。無所沉淪者。正驗聖錄也。今我歸父也。我尙在世。有言斯情。門生享我喜樂充滿矣。我以父道傳門生。而世人怨之。因伊不從世俗。似我不從世俗焉。我所願求。非移離世。乃免門生陷惡。門生無從世俗。似我無從世俗焉。望父以真理教門生。且父之道者。是則真理也。似天父遣我入世。我亦遣門生焉。爲門生之好。我捨自身。致門生以真理成聖矣。我今祈求。不但爲此人。

乃爲後人聽道、而信我者也。致衆門生歸一、如父在我、並我在父。如是衆門生在於父及我、可成一體、致世人可信、父誠遣我也。亦愛門生、正如愛我焉。公義之父乎、世人不識父、但我識父、而門生皆識父、乃遣我也。我以父名達知門生、猶將達知之、致父愛我之情、可及門生、且我偕之焉。

蓋賞不足以勸善、刑不足以懲過。故耶穌設新道、訓人歸上帝矣。道之本、愛也。道之末、天榮也。與耶穌合一體、可行其道也。耶穌祈禱、招上帝之恩、補能行道也。又懇求天父保護也。其所說榮者、言

不能及矣。但死後親眼可見之矣。耶穌代我等求之。則我與天父歸一體。其乃恩主有保護。無所可害我也。凡人誠敬耶穌。又倣效其表儀矣。死時必蒙其救佑。緣代我求者。必感激靡涯矣。

門生之言語

門生雖承天教。然不通其義矣。故此以天之福。爲地之祿。且爭論。誰超乎天國。惟耶穌洗其脚。自表儀教之謙志矣。亦曰。諸國之王治也。掌理之者。可稱恩主也。爾不然。爾中之長。必須猶弟。王治者。如僕也。且我如爾僕也。自是觀之。天之品級。與地之等。殊異。世人

沽名釣譽、貪財圖位。耶穌之門生，必謙下其志，舉動卑巽，則超乎天國也。此世間，耶穌之門生卑且賤，而死後高且貴也。緣此耶穌曰：爾等恒偕我，遭挫折矣。故此我以國封爾，猶我父封我亦然。爾同我赴席，飲食于我國也。且坐位審判以色列民十二宗派也。可謂門生之尊貴不勝矣。萬世代服死。諸人類復生。耶穌乘雲而來，審判億兆民矣。惟門生乃按察司，審判本民，卽以色列人也。可謂謙遜足以長人，卑自足以高陞，事役足以主治，小屈足以大伸。何不效法耶穌表儀哉。且功被天下，守之以讓，富有四海，守之以謙。

此所謂天道也。

蓋門生自恃養膽而不惺悟避危。耶穌勸之曰：今夜爾等一齊怪視我也。經云：我將擊牧者，羣羊悉散。卽是耶穌臨危，門生皆逃躲身矣。彼得羅聽此曰：雖人皆背師，我不背也。耶穌曰：我真語爾，今夜鷄鳴三次前，爾却背了三次矣。曰：偕主願坐囚，冒死矣。且門生皆說如是。不知後來如何，且看下卷之分解。自知耶穌之預言，應驗焉。

救世主預知門生將臨危，被人磨難捕害，天下無安身之處。故曰：

我差爾，未有囊袋鞋，有缺否？曰：否。曰：今諭爾等賣囊衣，且買劍焉。蓋經云：將視之當賊，言者指我，必應驗。就諸事罷了。○經節論耶穌，因惡徒將拿之，若賊，且釘之十字架，兩盜中間。當此際，贖罪之大功，完滿。故曰：諸事罷了。惟門生不通其言，曰：有劍兩口，曰：足矣。卽爾不理會我言語矣。不宜提起是言焉。

正教安慰卷之三

耶穌臨危

小引

蓋願詳細耶穌受苦言不及矣。惟聖神教我。可知其萬一也。苦楚者。不是外體之難。而心腸酷裂。耶穌弗憂親自所遭之苦。而負萬世諸族。億兆民之罪。如山。如林焉。不憂此世界繁華。而顧人類永遠之刑罰。其體恤格外。其結愁如眼前。看罪人墮地獄。遭永苦。且無救之方法也。上帝烈怒罪人。其怒之烈。甚屈耶穌也。因救世主。

替人當其暴怒。自此觀其肺肝俱碎也。況且上帝棄之。及天地無恩。主可祐也。魔鬼乃人類之敵。始誘惑人。後恒陷之罪。今救世主來。救人脫於魔鬼之管。故魔鬼對頭。磨難無既矣。耶穌之難。自是言之。○數百年前。聖人預言。耶穌將遭難。其引上帝之言曰。我臣睿智哉。峻巍高哉。不勝矣。人多驚駭將視之。凡生觀其形容已改變。蓋以歡喜將滿羣異族類。列王將緘口。因其所未有報之。將聽見。其所未觀看。將理會。言者示耶穌。替人之罪捐命。富有天堂。貴乃四海之主。故此異族類。看其自卑。自天降世。藉人之容。改變榮

儀如世人之容觀、自上帝開闢天地、未聽見是事也、是以駭異矣。
論其卑處、聖人云、誰聽我宣乎。上帝之手、現靈與孰耶。其芽如筍、
如蘖萌於乾地矣。旣無丰茸、威儀、我觀之、而不慕其容貌。惟人類
輕絕之。聖人亦論其凌辱受苦云、其爲人遭百難、備嘗苦楚、連人
躲避之。雖藐視之、而我等不顧之、然則其代我染病、替吾抱恙。但
我思想、上帝降之災禍、致黜之也。惟緣我罪遭苦楚、因我咎受凌
逼。伊遭災難、而我得平和。其傷痕、令我痊愈矣。我等咸如散羊、各
人歸私道、惟皇上帝、令之悉負吾咎戾矣。

當冤屈迫脅之際，終不開口。如牽羔以宰之，猶羊剪毛者之前，默然不出聲矣。惟解其苦楚，寬其酷刑。故此其壽誰能算之乎？因斷絕於地。捐命緣我民之罪，臨禍也。躬未冤人，口未說謊，却共惡徒臨墓，而並富貴殯葬也。

蓋皇上帝悅挫折痛苦之。惟捐命贖罪，其將看奕世不絕矣。且皇上帝之聖旨，將降之，致順行之。況親自功勞結菓，有滿焉。

我臣之見識，令羣人推義，因負其罪也。上帝亦曰：我將使大權勢者爲其分派，又其將分施勇傑者爲賊矣。因其捐命，且人視之如

惡徒。又負羣人之罪。又代罪人懇求○

看耶穌受苦之傳，可知其預言之應驗焉。

耶穌進園

遭難之際，臨格，耶穌帶十一門生進園焉。對之曰：坐茲，待予祈禱。爾等亦宜寤醒，祈禱也。蓋魔鬼設謀，將迷惑之。故此耶穌苦勸之，免陷誘矣。救世主遂帶三門生，特願証見鬱陶，莫踰於此。結愁之時，苦勸曰：我愁死也，爾等偕我寤醒。惟門生奉命，不幸神心俱廢。雖觀救世主之焦思，却能不穀寤惺也。今耶穌負萬世之罪，俯伏

告禱天父曰。吾父如其可也。願此苦鬱離我。卽其苦楚過量。故懇求上帝除之矣。惟候天命。遵上帝之聖旨。謙遜禱曰。勿允我願。乃聖旨宜成矣。如此再三禱也。蓋憂愈深。禱愈切。連渾身也。汗血流地。力衰神廢。終無奈何。正躊躇間。天使降來。補力矣。世人皆拒絕之。人類之罪厭之。却天父垂顧。差天使扶之也。當此之時。門生只睡迷矣。惟耶穌之言。不能惺之。甘心願隨師。但自恃而陷於誘惑矣。故曰。心毅身弱矣。此之謂也。

惡黨捉耶穌

救世主預知，奸門生猶大士近來賣師。遂對門徒曰：屆期將解人子賣之者已近，起偕我去矣。言未畢，猶大士率兇黨奉祭司元魁之命，持火把、操戈劍焉。猶大士與祭司元魁已相約，私然賣耶穌。且知救世主屢次夜間進此園焉，故願卒然捕之。祭司元魁有大權柄，數萬祭司、教師屬其管下，庶民恭敬之。其爲人不執正教，隨邪道，且埋怨耶穌，廣揚天教，誠恐民人斥異端，歸上帝，便俸祿，高位，權柄咸失亡矣。且藐視聖經預言，指救世主自天降地，替億兆民受死也。故此結黨設計，捉救世主，定死案，及擯正教也。今差惡

黨持兵器，好万拿耶穌也。救世主自然迎之，問道：爾尋誰乎？曰：搜耶穌。曰：我是也。惡黨聞此言，怖退，顛仆地。盖看耶穌之威儀，嚇得形神失措。當此之際，耶穌能避危，惟甘心遭難，不躲身也。而指門徒曰：若搜我，容此人往也。惟奸門生猶大士已定約云：我所親嘴者，正是耶穌。捉之可也。故此進前，親嘴之。忽然惡黨擒耶穌。惟彼得羅白恃，願護師，拔劍斫祭司元魁之僕，而砍其耳。但救世主終不願出血氣之力。只觀瞻上帝之祐，嚴責門生禁拔劍。且施愛仇之情，醫其耳矣。對門生曰：莫非我父，可差萬千天神，護衛我耶？卽

上帝之全能，足以扶我。天神降地，拒惡黨，瞬眼間咸奔四散可也。若如此，聖經如何能應驗乎？夫聖經預先明言，救世主將遭難，諸言必應驗焉。救世主顧惡黨曰：爾等出來，操戈持劍，如掠賊矣。每日我坐殿中教誨，惟爾等弗捉我。但今惡黨能乘機會矣。上帝容之，捕害他也。惟門生看形勢如此，皆散也。有一少年，身穿白麻衣，走逃。惡黨跟追及之矣。惟少年脫衣，裸身逃矣。

耶穌在祭司元魁之院

雖然門生皆四散，却有彼得、羅約翰等，遠追耶穌也。惟惡黨押送

救世主進祭司元魁之廷。且祭主長老輩兼會問耶穌傳之道。招之門生如何耶。特願拖累之。惟救世主曰。我顯然講論於世。於公堂誨人。一毫也。我未嘗隱焉。耶穌之教世人。廣揚四方。庶民知之。其教明其端正。皆實學也。毫無責處矣。既如此。傍侍者遂掌耶穌面曰。爾答祭司元魁如此耶。此惡徒不恭救世主上帝之子。故敢恃勢掌之。惟救世主溫良不報其惡。只道我答誤。宜示其誤。若善。因何掌我乎。嗣後眾人會議害耶穌。只恨無實據。甚勉強招誣原告。惟其供証不符合矣。卒然二証見出。曰。是人昔云。予敢毀聖殿。

三日間、自新再造。斯言我輩親聞。猶太民咸尊聖殿、諸人集會、拜上帝、乃普天下之至聖之處。倘供証言耶穌將毀殿、望挑唆庶民、有定罪之原由也。惟耶穌弗應、非答。祭司元魁終不悅也。故欲扳累無辜、曰、我因至上帝發誓、令爾明語、爾乃上帝之子否。耶穌曰、我是也。自今以後、爾將見人之子、坐皇上帝之右座、乘雲而來也。如此、救世主明言、乃上帝之子、與上帝相等、自坐尊座、乘雲而來、以治諸國、掌宇宙。緣此、祭司元魁、聆言、嗔裂袍、曰、此人褻瀆上帝。尙須有証見乎。瀆上帝之言、爾等明聞矣。蓋擅自弄天之權、罪戾

不勝矣。故問曰：判當如何？僉曰：必斷死刑。言此畢，隸役口唾，手擊耶穌，且蓋面。問曰：示我擊爾者誰乎？並防守兵卒咸擁，欺侮戲誚耶穌也。

萬主之主，萬王之王，乃耶穌也。世人咸復生之際，耶穌將審判諸人類。今立俗人之臺前，被惡人定死罪哉。上帝之子，萬物之主，宇宙之宰，蒼天之翁，永世之帝，今忍惡徒之譏誚。若不甚愛世人之類，何可遭此難乎。

彼得羅背師

惟彼得羅自遠隨，並入署中。天氣涼，與羣役靠火。不期守門之婢曰：爾爲此人之徒。門生雖然向來定說，隨耶穌冒死，拚命下獄。今婢問之，是耶穌之門生否？卽曰：否。言未畢，卽出墀，鷄鳴適出，他婢見之，曰：斯人果從耶穌。彼得羅不堅心，不畏上帝，發誓曰：我不識是人。無愧而說謊也。今自想避危而隸役說亦然，爾土話明露，誠是也。又有人曰：我看爾，暨耶穌在園焉。惟彼得羅再說：我實不識此人。也。立卽鷄鳴。遂憶王云：鷄二番鳴之先，爾必背我三次。故此悔罪，苦苦泣矣。自覺犯罪背師，赧無地也。當躊躇間，耶穌出門，眷

顧彼得羅再三推辭不認耶穌。却救主不拒絕之。姑寬其罪也。

審問案

天既黎明。長老輩祭主等再集。共議欲謀殺耶穌。心內立志。爲兇手。好殆戮耶穌。故押送之。進公堂。審問。爾乃救世者。可明語我。對曰。若語爾輩不信。若問。爾輩弗對。不釋我。夜間。伊等問耶穌。乃上帝子否。救世主明說。是也。今復審問。乃救世主。明說之無益矣。遂復曰。異日將視人子。安坐上帝權之右手。乘雲來也。卽今謙卑。異日乘雲來。爲天之按察司也。公會通其言之義。故僉齊出言曰。若

然爾則爲上帝之子。曰爾等自說我是也。衆有定死案之原由、不勝欣喜矣。曰奚必他証。出厥口、我等親聞。故此得意、緊縛耶穌、押送羅馬總督。自無權定死案、且羅馬民操權、服猶太民、故望總督隨意、立即定擬矣。

奸門生自縊

奸徒受賂賄賣師、而不安心也。今看王決死案、自覺本罪甚重。徜徉、不顧生命、遽赴祭主、曰我交回其銀、我乃犯罪人甚重、賣無辜之血矣。祭主驚訝曰爾罪我何干耶。宜預籌也。自是觀之、匪徒臨

危不相扶相持矣。奸徒嚇得魂不附身，急棄其銀，且辭祭主，自縊矣。如此諸惡徒亡也。今世之苦輕焉，後世之楚重焉。此死後落地獄，豈非嚴哉。惟祭主看其銀，曰：此銀血價，弗可捐聖帑。故買陶地作旅人義塚地。自當日迄今，稱血地也。故聖人有預知之才云：伊將三十塊銀，其沽我之價，售陶地也。當是時，此應驗矣。

耶穌立總督之前

公會就押送耶穌到總督之院。但瞻禮日臨至，不敢進院焉。故此大人出問曰：爾等訟斯人何狀？伊等聽此言，又驚又疑，曰：斯人若

無辜、不必解大人。乃倡亂、傳異端、遍煽惑士民、云、不輸納貢賦、自稱爲國王。言此、欲發總督之忌、審判耶穌、蓋作亂、挑民、罪重、必定案焉。惟救世主、聞誣告終不答也。其告之案件、甚是謊假。故此無庸對矣。總督自覺、告詞無憑據。遂對祭主曰、按本國之律例、爾等處斷之、可也。曰、我等定死案、無權焉。總督無奈何、畢竟問耶穌云、爾乃猶太民之王否。曰、自發斯問、或預聞於人。總督奇其言。曰、以我爲此國之人乎。爾本地人、暨祭主、解爾於我、爾出說、素行如何。向來救世主默然。今對曰、我國非由此世。若我國由此世、則吾臣

必戰、免得解我。予國弗在此也。耶穌之國、爲平安、泰平國者、天國也。不戰而勝、不用兵器、而凱旋焉。弗此世之國、人之所釁隙、結仇矣。乃靈國也、在人心內矣。此之謂、耶穌之國也。總督不通其言。再問曰、爾乃猶太人之王否。曰、予爲王。我降世、供証真理、真實之人、聽納我言焉。大人曰、真理何耶。且救世主、教正道、傳真理、以真理服人之心也。諸人悅真理、悅服也。此道理、雖有太陽之光明、却人之心迷惑、看而不曉之。故此問曰、真理何耶。

耶穌立加利利侯之臺前

總督詳問後再出對祭主並庶民曰。吾詳察其人。果然無辜。惟衆不絕亂呼也。云。其挑撥百姓。自加利利遍敷教猶太國。亦至此也。總督聞知。耶穌本是加利利省。遂押送之。其地之君。適在耶路撒冷京。希望審問耶穌。自無煩勞也。君已風聞耶穌之靈蹟。得見救世主。甚所望也。願吾主當面行靈蹟矣。惟是君弗懷良心。只畱心玩意。是以救世主。不出言焉。君既看伊不慝人耳目。多問。無答。終不悅。欺藐耶穌也。且兵弁譏誚之。就以白衣穿之。還押送總督也。是日其君。與總督復和。蓋素相互結讐也。自是觀之。總督未罪救

世主加利利君亦不罪之也。

總督判斷釘耶穌十字架

總督既知君不定死罪。遂對祭主並庶民曰。爾等皆送此人於我。有犯罪。爾今所訟。吾庶民當面察究。而無罪也。加利利君亦然。不加死刑也。莫若責之。後釋之也。便勉強放耶穌。按國例。於瞻禮日。隨民願。必釋一獄犯。如此甚願釋耶穌矣。當是之時。有個匪徒兇手。興亂之際殺人。總督使之。與耶穌並站。問衆曰。二者爾欲釋誰耶。自覺民不將稟釋兇手也。若如此。一定可放耶穌。惟長老輩。祭

主等挑民。稟放兇手而問死罪耶穌也。總督奇不勝。再問衆曰。爾王如何。衆頻呼釘之十字架。總督駭異。諸人之惡毒心矣。固知民如瞽盲。祭主嫉忌而不可放耶穌也。再對衆者曰。我細勘而無死狀。責而釋之足矣。且願發庶民之慈悲。卽諭笞撻耶穌。繫之後。以堅繩鞭之。全身剝傷。血流于地。此後兵丁擁圍耶穌。穿紅袍。示弄權之恥矣。織棘爲冕加首。手插竹竿如柄。跪拜戲侮之。曰。千歲爺。後唾面。以竹打首。是時匪徒戲弄煌榮之主。諸王之王。而不羞矣。救世主忍耐之一命而匪徒亡也。耶穌不乘權焉。甘心遭百難焉。

嗚呼嚴哉其苦楚也。或誚或鞭或笑或答矣。耶穌忍耐而不怨焉。總督雖異族之人。休戚相關。耶穌遂出。首戴棘冕。身着紅袍。總督遂曰。視哉其人也。甚實堪憫焉。惟祭主員吏等一見之。殘虐喊曰。釘之十字架也。釘之十字架也。總督不肯定死罪。且曰。爾自拿之。釘之十字架。蓋吾看之。無罪也。猶太人答曰。我有律法。依此律法。其該服死。因其自稱上帝之子也。總督不知其言之義。尤懼矣。復入衙門。語耶穌曰。爾本由何耶。惟耶穌不應矣。曰。爾不答我。盍知我有釘汝權。並有釋汝權乎。救世者聽此言。曰。若上天不許。則大

人無權管我。卽是上帝定旨。解耶穌死案。故此總督有權焉。不然。終不可也。惟猶太人解耶穌者。罪更重也。旣是如然。總督愈勉強放之。但猶太人甚懷毒心。莫不願戮耶穌。就曰。若放此人。非皇帝之忠臣。凡冒王名者。背判皇帝也。大人就坐案。午正時。對衆云。視爾王也。僉呼曰。棄之。棄之。曰。爾王。奚何釘哉。曰。我王無他。乃皇帝而已。如此伊等拒絕救世主。耶穌有天下。如天之有日。而不與焉。忽服人之身。而降其靈矣。如此救世主治萬國。其權無所可避矣。人不悅服。不奉事之。救世者。強服之也。就其嚴刑。不勝矣。○正躊

踏間總督之夫人遣使告曰。爾與此義人無干。蓋昨夜夢中。我爲
 他無安。總督又懼。又疑。又無奈何。設多計。終無益矣。而庶民加呼
 喊。畢竟將水。庶民當面盟手。特意示耶穌之定罪。與己無涉矣。曰。
 我清潔。與此義士之血。爾等自顧。衆齊聲答曰。我輩並我子孫。俱
 任受其血之辜也。言者盡應驗焉。救世主降生之後七十年。民政
 民國征國。隨處有飢荒。地震焉。正乃艱難之始矣。當時有大災。自
 開闢未有之。又後不得有者也。可惜懷孕及哺乳者。蓋敵圍城。甚
 迫之內。無口糧。外無避所。居民或刀戮。或餓死。或被擄爲奴。且遍

國荒蕪矣。蓋民自招災。戮救世主。其罪孽就萌矣。上帝剿滅之。及庶民四散焉。

耶穌獻己爲祭祀之釋義

總督看民兇意甚怯懼。姑徇衆情。定死案。今救世主將全完贖罪之道。替萬世代捐命矣。諸聖賢人預言可應驗焉。人類之罪。積得有嶽之高也。立即救世主來滅諸罪也。其贖罪不止贖吾罪。乃贖舉世之罪矣。在此有愛。非我愛上帝。乃上帝愛我。遣其子代我贖罪矣。故聖人曰。昔時屢次殊樣。上帝以聖人之口。啟示列祖。惟此

末時遣神子諭我矣。且上帝立子爲萬物之主、且依神子創造天地矣。神子乃上帝輝耀之光、上帝親體之像。保養萬物、只賴聖命。旣以己身洗淨吾罪後、昇上坐皇上帝之右座。其永生、代我所稟、則能救凡賴之近就上帝也。

向來猶太民恒宰犧獻上帝。今耶穌自獻焉。故此聖人曰、余所言之大畧如是也。吾有一祭主、在天堂、坐於皇上帝之右位。其乃聖事之吏、居於眞堂、主所建置、非人所立者也。凡祭主奉命以獻禮物祭祀、故此祭主亦當有所獻者也。此等祭主常入前堂、以盡其

職分。但其內堂、獨祭主入之、每年一次、亦帶血獻之、爲本罪、並民之戾矣。聖神以此明示、先堂尙在之時、進聖所之路、未曾發開也。此乃當時之比喻、教人所獻之禮物、並祭祀、不得成全、役吏不養良心也。因其事職、在乎飲食、洗滌之禮、肉身之例、古所設、迄於齊整之時至矣。但基督旣臨格、就成將來善事之祭主、居在尤善、更美之堂、非人手所置、非此等建造者。此祭主、非獻牛羊犧等之血、乃奉親血。一次進至聖之堂、成永贖罪之功。蓋牛羊犧之血、並燒犢之燼、撒在污穢人、可致肉身清潔矣、何況基督之血也、其賴永

神自純獻身、奉上帝者、可淨爾良心、除去死罪、以事永活之上帝也。緣此基督成新約之中保。自己捐命、贖犯先約之諸罪。今蒙召之人、獲上帝其所應承也。是故基督、非入手造之聖堂、正乃真聖堂之彷彿、而進天堂、代我現立、上帝之前也。且基督不須效祭主之樣、帶犧牲之血、每年入聖堂、而屢次自獻。若然、則自開闢以來、基督必多次受苦。但今世界之窮、基督一次出現自獻、除去諸罪也。猶人之命、一次死亡、後有審判、如是基督素一次自獻、以負衆人之罪、後來無罪、將現以救所望之者。基督臨世曰、爾不願祭祀、

乃賜我身體。旣焚犧之祭，及贖罪之祭，爾不滋味。當時我答云：上帝也。我自降臨，以遵聖旨。依書經本錄矣。上句云：依律所用祭祀，並焚祭贖罪之祭等，爾無滋味。就言，却吾自臨也。凜遵上帝之聖旨。此言示其除先者，致立其後也。且耶穌基督之身，一獻爲祭，則遵聖旨，以淨潔我等。但凡祭司每日立服事，屢次獻一樣之祭，而不得除罪也。惟基督獨獻一祭，以贖人之罪，後永坐，待其諸敵，服腳踏凡也。是故奉一祭，基督永成所淨潔之人矣。自此言之，耶穌捨身，自獻如犧牲一然，永贖人之罪。正是釘十字架死之大義矣。

耶穌往死地

定死案後，兵弁脫耶穌之紅袍，穿之本衣。其死地城外。旣笞耶穌，傷身血流力衰。自負十字架，半塗而廢矣。伊等遂強異國人，並負之也。維時，隨耶穌無數。衆雲集，悅然看耶穌，服死罪矣。亦有數仁婦，哀泣痛悔。惟耶穌顧之曰：勿緣我哭，而因親自兼子孫泣可也。蓋成此事，與義人，況與不義者哉。言者指猶太人所招之災禍，及門生所將遭之難焉。耶穌雖義人，受此苦楚，況不義人哉。昔救世主對門生曰：爾將受苦服誅。因信吾名，見恨於諸國也。且多人必

見怪互相背恨。又僞師將起，迷惑不少。且狂悖至極，則多人之愛情漸冷矣。惟恒至終者，可得救也。彼危險之際，若久延歲月，則無人得保全。但爲選名民之好，其時必不久也。惟仁婦雖知此難，不能禁哀痛，奔隨耶穌，痛心遠望流淚。

惡徒釘耶穌十字架

適纔耶穌至死地。卒隸將酒和苦膽與之飲矣。惟耶穌嘗之，不可飲也。釘十字架之死刑，甚重不勝矣。所釘者乃兇手、殘賊、奸民也。隸役遂脫耶穌之衣，釘耶穌之身於十字架。上開兩手，釘於橫木，

下令兩足釘於直木。伊等願凌辱耶穌、左右釘匪徒、兩人也。諸兵卒既釘耶穌、便拿其衣、分爲四分、每卒一分。其袍亦然。且其袍無縫、自上以下渾織成全矣。故相論曰、勿裂破之、乃卜卦看誰所得也。故驗聖書所云、其分我衣、占卜我袍矣。兵卒所爲者、正如是也。自是觀之、兵卒雖不知聖書、却盡力成驗焉。

耶穌掛於十字架

總督雖定死案、然心不安。故書案題三樣話音、插十字架上。題曰、猶太人之王者、耶穌拿撒勒人也。釘十字架處、近城人多讀是題。

惟祭主終不悅。埋怨救世主。謁見總督曰。可書云。其自稱猶太王。大人推辭云。我之所書。則已書之。祭主不得意。甚恨。站十字架之側。誚耶穌曰。是人素云。毀聖殿。而三日後復建之。倘爾爲皇上帝之子。從十字架降下。我卽可信也。能救他人。不能救己。長老輩惡黨齊聲譏亦然。惟救世主不答也。忍匪徒之罵言。且赦之。

耶穌之訣

救世主之寶言。莫不記錄矣。一曰。正釘十字架之剛。救世者曰。天父寬宥罪。伊等弗識所行焉。耶穌代酷磨難之徒。懇求天父赦其

重罪也。其深仁厚澤矣。自是觀其博。且知之伏拜。及讚譽救世主。一曰盜同掛十字架。譏之曰。爾若爲救世主。救爾。並救我輩。他盜責之曰。爾不畏上帝乎。我等之罪重。應受此義刑。惟此人不犯何罪也。則望耶穌曰。吾主進爾國之際。記憶吾也。耶穌曰。爾今日必偕我在樂堂。此人雖惡徒。然甚悔罪。耶穌不棄之。基督降世。來救人。其死之功勞圓滿。故救盜。應承引之樂堂。鴻祉不旣之所。正是死危之間。諸福咸臻。耶穌赦罪人。卽進樂堂。永遠享福。善讀者。忖心自問。悔罪否。若然。臨死。耶穌莫不寬慰。且放愁腸也。耶穌賜進

樂堂曷勝慰哉。

一曰聖母近立架傍並數賢女。耶穌雖苦難過量却顧聖母也。且視所愛之門生卽約翰顧母曰彼爲爾母。對聖母曰彼爲爾子。自此以後門生孝待之於本家也。

一曰救世者負痛籲曰我上帝我上帝爲何棄我也。甚可謂其苦之極矣。傍人聞其聲或謂之或將竿頭置醋與耶穌飲也。

一曰耶穌已知聖旨竣成贖罪之道已開諸功已完故曰已成畢。卽自今以來罪人咸可沾恩進天堂也。自開闢以來未有之屆期。

諸族類可祈上帝可赦其罪滅其惡賜天之福也。

耶穌崩

救世主長歎語吾父。以我神托父手。言訖俯首絕息矣。而崩。今其大功圓滿。自死而脫世之勢矣。其魂不留陰間。其肉不見敗壞。故此聖差曰。蓋基督乃義人代不義人之罪。一次受苦。固然身死。但依神復活。欲薦我見上帝矣。昔者基督藉神宣化陰間之靈魂也。正耶穌絕息。太陽暗黑。聖殿之帷帳。從上至下自裂。地震石碎。聖殿之帷帳。內有至聖堂。惟祭司元魁所可至。每年一次矣。今其開

也。表諸人能進聖堂。至皇上帝也。且救世者。乃宇宙之主。當死之際。地震。石碎矣。連太陽失其光。遍天下暗黑矣。且塚墓自闢。已亡多聖人之屍。再活出墓。於耶穌復生之後。入聖域。見於多人也。故此耶穌之死功。賜人活也。旁侍之民。看此兆。俯首捶胸。愴悵。且歸也。向來凌辱耶穌。今觀暗黑。地震。心慌。戰慄。惟防守之兵丁。一看此事。諸駭異。惶懼。相談曰。此人真爲上帝之子。此後兵士折二盜之髀。見耶穌已死。一卒持戟。刺其胸右側。卽漏水血焉。門生約翰傍侍。証見之也。

葬屍

雖然尊貴者、勾串定死、却有上憲一位、稟總督賜聖屍、免得懸畱於大瞻禮日矣。此上憲、私爲耶穌之門生。不憚同僚之責、惜哉、不能阻之定死罪。今甚願尊葬其屍矣。且總督聞知、救世主已崩、莫不駭異矣。諭交聖屍與上憲矣。亦有教師、用香膏傳屍、殮一練布、葬於石墓、以大石塞口也。且庶民輕救世主、大眾拒絕之。惟有賢女、送葬之。且製香油、後當安息日、不動也。但祭主尙懷毒心、謁見總督云、此誑者素道、我三日後、將復生。今稟大人、命兵丁守墓、恐

門生偷來盜屍、且傳言云、師已復生、及揚大謬矣。故封聖墓、有兵士嚴防之也。如此定志、滅異端之頭緒、惟上帝敗其計矣。徵諸庶民、耶穌復生矣。

正教安慰

卷之三

正教安慰卷之四

耶穌復生

小引

聖保羅曰、基督卽乃耶穌、原來有上帝之狀。雖像似上帝、却不擅專、乃自罄、藉僕之狀、成如人樣、形容如世人。又自謙卑、服死、連掛十字架受死。是故上帝尊舉之、封之一名、起於萬名、在天上、地下、陰間。無膝不屈、無舌不認、耶穌基督爲主、歸榮天父上帝矣。亦曰、巍巍乎哉、神理之奧義、卽上帝昭著於肉身、於神靈推義、見於天

使聞於異族，信於世人，舉於煌榮矣。言者指耶穌之復生，昇天，顯榮矣。今將微言闡明之也。

耶穌崩後，越三日，黎明時，復生。當此時際，無人証見。神使降下，卽地震，除墓之石矣。惟防兵，怕懼不勝矣。形神失措，仆地矣。率然逃城，報其事情也。祭主聞此，莫不震懾。先來耶穌明說，必須復生，今看其靈驗，終不安心。誠恐庶民風聞耶穌復生，咸將信之也。故此推謊誕，厚頒賄賂與兵士曰：爾宜揚誕云：我寢寐之時，門生盜其屍去。此談週流至是日也。如是惡徒，以假塞真，瞞百姓，迷惑庶民。

矣。

耶穌自現與仁婦並門生也

初赴墓者、乃聖婦也。敬愛救世主、甚懷厚情。天未明、作迅詣墓、特
意再傳屍也。雖耶穌明言、將復生、終不可信之矣。近墓之際、相問、
孰除塞墓之石。而石已除去。急進墓、不見屍。忽然抬首、看天神、坐
石上、其衣閃爍、如電光。僉驚怖之時、天神曰、勿懼。爾尋被釘十字
架之耶穌、今復生、不在茲。應回報門生、示彼得羅、耶穌于加利利、
將現見於衆也。然則天神報世人、救世主復生矣。人不信之、天神

報之莫不奇哉。諸婦回去。只畱一女。獨身徘徊。不能去矣。正躊躇間。忽然耶穌現。問曰。汝何哭。覓誰乎。婦不認耶穌。視之以爲老圃。曰。相公若移屍。請語我知。放在何處。給我收之。耶穌曰。馬利亞。卽其婦之名。婦自覺乃救世主。轉身曰。夫子也。耶穌曰。吾未上天。見父。故勿摸我。乃往見兄弟。耶穌亦語之曰。吾將升天。見吾父。及爾父。見我上帝。及爾上帝。救世主愛門生。知其哀痛。莫不安慰之。上帝代之懇求。以立其福基矣。不期兩門生。並走進墓。看二神使。而不看屍也。就大奇矣。旣是如然。一門生信。耶穌復生。他門生卽

是彼得羅素背師者。猜疑心不定。正回家之間。耶穌現之。是以欣喜溢胸膛也。今知救者永不存墓而復生。赦其罪。曷勝欣慰矣。

耶穌現與兩門生

當日兩門生離城行路。常相論。耶穌受死之情由矣。鬱陶蹙額愁悶不息矣。忽然耶穌親身陪之行路也。但門生不認之矣。救世主問道。曷懷悶憂。伊等曰。論耶穌我祭主所釘十字架。而我等盼望其將救我國。乃今已死三日。我中有人曰。今日至墓。不見屍。只見天神曰。耶穌復生。雖然門生及仁婦皆說救世主復生。却不可信。

之矣。旣不信人之語，却可信耶穌之預言。因此耶穌責之，示先聖所預言，論指救世主，一一符驗，基督必受難，且進天父之榮也。言雖明焉，兩門生不通之。更欲聽其言，請之進宿。耶穌正赴席坐間，祝餅擘之，與門生食。率然伊等認是救世主。門生歡喜不勝，欲相敘，但耶穌卽不現焉。旣見耶穌，伊等立刻起身旋城，以此事報同門生。卽畏猶太人閉門集會，正相論間，耶穌自來中立。門生難信救世主復生，便曰：合家平安矣。卽指之以兩手傍脇，有打金之蹟，及刺戟痕，親眼可看，乃救世主耶穌。但門生見基督實在復生，喜

不勝也。耶穌遂設門生爲聖差，曰：「大家納福。正如父遣我，吾亦遣爾。」且賦之，以才能，吹出口氣，語之曰：「爾可領聖神也。」凡爾免罪，則誠免罪。凡爾定罪，則誠定罪。自是言之，素救世主應承降聖神，今成驗焉。門生所奉之權勢，可謂甚大矣。免罪、定罪，循聖神之旨，此之謂也。

當時有一門生不同在。聞知耶穌現也，就曰：「我要見其手中之釘跡，且插指入釘蹟之內，並插手入脇孔。不然不信也。」雖懷疑心，耶穌不棄之。八日後，門生復集，其門生亦同在也。忽然耶穌現立其

聞曰、大家納福。遂語門生、名多馬士曰、伸來爾指、省察我手、又伸爾手、摸我旁脇。勿爲不信、乃真可信也。旣憑據靈現、終不可疑之。門生赧無地、伏拜曰、吾主、吾上帝也。耶穌曰、爾見則信、惟其不見、亦信者、誠有福矣。

善讀者未見耶穌、而有門生之憑據。必與信士共慶救世主永生矣。耶穌復生、我靈魂永生、及我身軀將復活也。

復生之完結

聖保羅曰、列位、我所宣者、乃福音之理、爾所安承、所以立之道也。

以此道爾可得救。若牢記吾言。而不空然信矣。當初吾所傳。所承之道如左。按經錄。基督緣吾罪而捐命。又葬三日後復活。應驗聖錄。遂現與磯法。卽是彼得羅。便現與十二門生。此後靈現與五百兄弟。一齊見之。其中大半尙存。但有人睡亡。此後耶哥伯見主。便諸聖差見之。畢竟我小產者。亦見之矣。蓋吾乃諸聖差之尤賤。因捕害聖會。不敢自稱聖差。但賴上帝之恩。余今所成者。卽成也。又天恩感我者。不爲空虛矣。然則我勤勞。超乎衆。乃非我勞。而上帝之恩祐我。不論我也不拘他也。皆傳一道。爾信一理焉。若吾傳基

督復活。則爾何言無復活之理耶。若無復活之理。則基督不復活。且我之傳道徒然。爾之信德空虛。若無復活之理。則上帝未甦基督。而吾供証上帝已甦之。乃妄証也。蓋若死人總無復活。則基督弗復生也。又基督未復活。則爾信徒然。爾還干連罪矣。昔信基督。而睡亡者。皆沉淪也。獨今生望依基督而已。則吾賤苦過於衆矣。但基督死。後復活。先諸睡亡之人初甦也。人既招死亡。人亦招復活。正如亞坍累衆人陷死。如此是基督賜衆人活也。但各人依次序。先基督活。後信基督者。待其臨時。可活也。時值世末。基督將廢

諸國君、權勢管轄、且讓國與天父上帝。蓋耶穌必治國、待服諸敵足下。畢竟所勝之敵者、死勢也。若曰、以萬物必服耶穌之足下、萬物服之、分明不指本服萬物之主也。且萬物既服之、則神子將自服其服萬物之主、惟上帝將普治萬物也。若死人不復活、何意爲死受洗禮耶。抑因何緣死受洗禮乎。何爲我恒冒危耶。緣爾信主耶穌基督、吾常歡喜、然則每日冒死。昔在以弗所、依俗人之樣、吾與野獸敵戰、若死人無復活、斯何益哉。寧可飲食、明日將死矣。勿謬矣。惡交常敗厚俗。宜惺悟學義、而不陷罪。吾說此羞爾。設使人

問、死者如何復生、藉何身耶。曰、愚人乎、爾所種者、若未先死、則不得生也。又爾所種者、非所將成之身、只一粒穀、或麥、或異穀。但上帝自主賦體、又與每穀、賜其本質也。凡肉體非一樣。有人肉、獸肉、魚肉、鳥肉、各異。且有天物、有地物不同、但天物之榮、異於地物之榮。太陽之榮、異於太陰之榮。太陰之榮、異於星之榮。又一星之榮、異於他星之榮也。復活之理亦然。所葬之身可壞、但復活之後不可壞也。葬時乃辱、活時乃榮。葬時劣、活時乃壯。所壯者、乃血氣之身、所活者、乃靈神之體。蓋有血氣之身、亦有靈神之體、如經云、其

初亞坍成活靈，其尾亞坍甦活之神也。但其靈神者非首也，乃先有血氣，後有靈神也。其首一人由地，亦屬紅塵矣。其第二人由天王之主也。諸屬地者，如屬地之祖，諸天生者，如天降之主。如我素帶屬地之狀，今亦可佩天生之貌。列位兄弟，請聽吾言，骨肉不能嗣神國，壞者不可獲無壞之業矣。吾告與理，吾衆不睡亡，乃衆必變化。忽然瞬息之間，號筒正響之際，蓋號筒必響，卽死者必活，且身成無壞。又吾等變化，且此壞體必成無壞。此死身，將變無死壞體。旣成無壞之身，旣變無死，遂必驗經言云，死已服勝，盡滅矣。噫。

死之痛、荊何在。噫、墓之克勝何在。夫死之荊者、罪也。罪之勢、法也。但蒙上帝賜我、賴主耶穌基督得勝也。故此列位愛兄、當堅固、無動、常務主工。蓋知事主務工者、必非空勞也。自此觀耶穌之復活之關係、耶穌復生、則諸人復生。人信耶穌復生、永遠生享福矣。

耶穌現與門生在湖邊

耶穌之門生數人、乃漁人、出捕魚。終夜無所獲也。早耶穌立岸、惟諸門生不知其誠耶穌也。主慕愛之曰、二三子乎、爾有物食否。曰、否。曰、船右拋網、方可得魚。門生不疑、循命拋網、得魚甚多、不能收。

入也。門生咸駭異，卽知乃主耶穌。忽然彼得羅曰：誠乃主。自覺背主之弊，跳海上岸。惟他門生拉網岸上，彼看有火炭，在其上有魚，另有餅也。門生一看而知救世主行神蹟矣。耶穌曰：纔捕之魚取來，共計大魚百五十三尾，且魚雖多，網不破矣。僉知乃耶穌，不敢問之。人皆食完，救世主再招彼得羅爲門生，曰：爾比斯衆更有愛我乎？曰：是也。主知我愛主。曰：牧我羔矣。再語之曰：爾愛我乎？曰：是也。主知我愛主。曰：牧我羊也。再三語之曰：爾誠愛我乎？彼得羅三次見問愛我，則憂悶曰：主無所不知，則可知吾誠愛主矣。說牧羔

及羊言者指彼得羅之本分將牧養羣信耶穌之徒以天糧育之也。言畢耶穌曰牧我羊也。吾誠告爾尙少年紀爾自束帶隨意往來惟老年紀爾將伸手別人繫帶導爾所不欲往之處言此指彼得羅之死狀將榮歸上帝也。蓋彼得羅遍傳福音之後教化人多被惡徒釘十字架也。此後彼得羅隨耶穌看他門生隨問道爲何此人耶其門生乃約翰焉。

復生之後耶穌基督四旬駐世亦見於諸奉教者五百人恒講論天國之事情堅門生之信德備門生之心可傳福音如此多人先

看耶穌釘於十字架，後觀之復生，自立憑據，徵諸庶民。自開闢以來，無一人復生，惟耶穌復生，示活之路。諸代萬人類，雖葬於墓，將聽其聲，作善者復生，享永活，作惡者復生，見審判矣。思之，思之。我永福於耶穌而興焉。信之者享永福。謹敬之，崇拜之哉。耶穌垂顧，招我享福，必聽之也。善人聽說，心中刺。惡人聽說，耳邊風。善讀者，拊心自問也。

耶穌昇天

耶穌受苦後，昇榮位，治萬國，待服諸敵其足下。昇天之先，招門生

集會、有人難信救世者復生、甚責之其疑心矣。

救世主設門生、爲萬兆民之師。曰、廣敷聖教、施洗禮、念神父、神子、聖神之名。凡我所命爾等、應教之遵守也。受洗且信者、獲救也。非信者已定罪也。善讀者思之、信救世主、可獲救也、不信者必沉淪矣。新進耶穌之教者、皆受洗禮。不全心信耶穌者、一定不享福矣。耶穌堅門生之心、曰、爾宜駐京都、待聖神降臨、補恩寵、加能德。自有聖蹟明驗、賴我名、能逐邪魔、能言異語、踐毒蛇者、不害爾也。撫病者卽痊焉。由是言之、耶穌之門生超羣、所傳之神道、所行之靈

異所感之聖神、自開闢以來、未之有也。上帝之諭聖旨、依耶穌之恩德、救萬民。故自天立教之憑據矣。世人親眼看之、而輕藐之、其罪重矣。

耶穌將昇天堂、引諸門生出外。門生向來望耶穌將服國敵、且復興國也。故問曰、主將復興我國否。曰、斯是父之定期日。但爾應領聖神、遂降福與門生之後、耶穌乘雲上天堂、坐神父之右手、治萬國也。門生又敬又奇、只仰蒼穹不可去也。惟天神二位曰、胡更瞻望乎。此耶穌從爾中者升天、異日如此而來。天神安慰門生、且堅

其心云、耶穌自天復來、且治其民矣。

耶穌降聖神

救世主升天堂之先、應承以聖神賜門生、致以真道傳之、且慰其心、並光照救世主矣。五旬節滿、諸門生同心共在一處。忽然由天之響、如烈風驟起、滿會堂。竟發出炎焰、如分舌、臨諸人也。門生滿於聖神、始言異話。且猶太及異族之民、雲集吃驚、聞門生用本話傳上帝之大行焉。又猜疑、又譏誚。惟彼得羅並他門生起曰、聖經預言、今應驗。上帝曰、末日、我以聖神、感萬人類。列以色列人、請聽

此言上帝緣耶穌示靈異神蹟，徵諸庶民。而汝等殺之，但上帝開死之門復活之。此也相符先聖賢所語矣。且我等皆爲証見。今耶穌在坐上帝之右，獲父所應承之聖神，有賜此德，爾所聽見。

且門生今稱聖差也。賦聖神說神言，勸諸人云，當自救，脫此惡世矣。惟凡人聞此言，心腸酷裂，問門生曰，列兄弟，我將何爲耶。聖差曰，各人悔罪，托耶穌之名，領洗禮，致赦罪，且得聖神之賜也。蓋許約關爾，並涉子及諸遠人，主我上帝，將招者也。當此時以色列民崇上帝，令普天下之諸族類，可歸上帝也。其言有德，動人之心。諸

人聽之甚通其意甘心承道領洗禮。恒心守聖差之教常行交友之道。富貧不分而共用諸物。隨人之需用。歡喜赤心領其日糧。讚美上帝得寵於民。真可謂感聖神就結菓。聖神生之畜之長之育之成之熟之養之覆之。救世主昇天故有此恩賜其所頒與天下也。

耶穌令門生行異蹟

彼得羅並約翰兩門生進神殿祈禱。門中有丐子跛脚求之施濟。兩人曰金銀皆無我所有者可卽賜爾起來且行也。遂執右手舉

之卽時足筋穩當。其人急起來，並入神殿，且行且躍，頌讚上帝矣。民人知之，甚驚駭。門生對之曰：我祖所崇之上帝，加榮其子耶穌基督，爾所背負不認也。然聖人、義士，爾等不認，乃兇手爾求放也。又生命之君，爾等弑之，惟上帝復活之，吾等爲見証。且我信耶穌之名，致醫此人。爾所見識者，並信耶穌之德，諸人之當面，可賜此人得痊矣。如今吾知，列兄兼諸憲，所行之事，不覺而作之。但上帝諭諸聖賢預言，基督受苦者，以此諸情，已得效驗焉。故當悔罪，改過脫罪也。惟祭司元魁甚恨，聖差傳此道，忽然捉之，審問，恃何權。

托何名，行是情耶？聖差等曰：「賴耶穌之名，醫全此人。除非此耶穌，不可倚他，以得救也。蓋普天下萬人之中，無賜他名，可以得救矣。且聖差用大勢，供証我主耶穌已經復活也。惟羣門生厚沾恩寵，無人缺乏。有田宅者賣之，帶所得之銀，置聖差足下，分各人隨資用也。有人願騙瞞之，惟聖差卽詈之也。其人死仆地也。祭司元魁再監禁聖差。惟夜間天使開門，帶之出，諭之曰：「爾宜進神殿，告民以此生活之諸言焉。」祭司元魁嚴禁之，論此道。聖差曰：「宜凜遵上帝之命，過於人類也。雖然笞鞭聖差，伊却傳耶穌也。」

此後耶穌門生遭捕害，四散焉。有人到撒馬利國，傳基督之道，且人觀其所行之神蹟，越發聽之。蓋多有邪鬼，勵聲出，人多癱瘋跛脚者，得醫矣。則男女皆信，領洗禮矣。且彼得羅遍行四方，遇一人，癱瘋臥榻，已有八年。對之曰：耶穌基督賜爾得痊。起來，整齊本榻矣。其人卽起來，醫痊焉。衆見此，輒感化，信主之言焉。當此之際，有賢女，普賙濟，忽然染病且死。諸女洗屍，置在高樓，卽差人請彼得羅來。旣到，看諸寡婦哀哭，指衣服，其所濟者也。惟彼得羅跪禱，轉顧其屍，曰：起來。賢女卽開眼。彼得羅執手扶之。後叫諸寡婦，並聖

人請看賢女真活矣。

其國之王名希羅得，苦害聖會之人，且斬約翰兄，耶哥伯。遂捉彼得，羅禁獄，雙鏈綁縛，臥兩兵丁之間，門前防兵守巡。次日願押送，定死案。惟聖會人咸切懇求上帝釋之。忽然夜間，天使進獄，醒彼得，羅鏈桔卽解了，鐵門自開，及聖差任意出也。自覺上帝救身，保命。聖會共慶矣。王不悅，審判防兵坐位，對庶民諭矣。立卽聖差撻之，且蟲噬其身也。如此上帝徵諸庶民，耶穌之教天道也。連聖差之影及其手巾，一摸病人，卽醫痊焉。

耶穌感化人

耶穌訓曰、每人必新生。若不然、不能進天國也。隨肉慾而生者、爲肉。隨神而生者、爲神也。新生者、乃感於聖神、改邪歸正、革舊遷善、改本惡性、且賦新性矣。向來人縱私慾、今全心歸上帝矣。

耶穌昇天之後、賜聖神感化人類之心。其感化爲耶穌全能之憑據。故述之於此書也。

惡徒捕害耶穌聖會、威赫戮聖徒。當是之際、有人名搔羅、奉命往外國之城、特意拿正教之徒、縛且押送之到京都。竟望其城、忽然

由天發光，周圍照明。惟搔羅仆地，聞聲言云：搔羅搔羅，緣何害我乎？曰：主乃誰耶？曰：吾乃耶穌，爾所害者。爾對頭甚難哉。搔羅戰慄，驚駭曰：主願我何行耶？曰：起來入城，彼可言爾所該行也。陪行之人停立驚駭，只聞其聲，不見人形。惟搔羅起來，既開眼，不所能見。彼人引手入城，三日不能見人，飲食皆廢矣。於此城有門生。夢中奉天啟，諭云：起來，往直街猶太之屋，訪問搔羅，其現祈禱。今夢見人名亞拿尼亞入來，置手身上。其門生曰：我風聞此人在耶路撒冷，害聖會，多行惡毒。且祭司元魁賜權，縛崇主之名者也。主曰：往

去此人乃吾特選之器、以報我名、傳我教諸國列王、並以以色列人也。蓋我將教之、緣我名受多苦也。亞拿尼亞卽其門生之名、遵照入屋、按手語搔羅曰、搔羅兄、我主耶穌、現爾於路者、差我致爾復見、且以聖神得滿。忽然白眼落若魚鱗、遂得眼明、且起、領洗。旣食補力矣。搔羅卽懷新心、傳耶穌之教、甘心遭苦、性心兼新、甚愛救世主、爲聖差、稱之保羅、出類拔萃、名揚四海。

向來猶太人進教。今上帝招異族類、信救世主。初入正教者、名曰哥尼流。其感化之傳、如左。哥尼流爲千總、與闔家虔敬畏上帝、濟

貧民常祈禱上帝矣。忽一日奉天啟，明見上帝之神使，曰：哥尼流。其一看之，就驚曰：主有何事？曰：上帝俯念爾祈禱，賙濟矣。今差人請彼得羅，卽乃聖差，在約百城。此人可訓爾其所當行焉。千總遂差人，竟望約百城。當此際，彼得羅上屋頂祈禱，忽饑貪食，心感動，看天開，降落一器，正似大帆，四角繫住，縋至地。內有地上百般四脚猛獸、諸蟲，並天空諸鳥，有聲云：宰食也。曰：我終未食穢物也。三次此聲勸食，惟彼得羅推辭。卒然其帆升起，且彼得羅自覺也。尙躊躇間，聖神諭之曰：有三人尋爾，故起來，陪之行，勿疑，乃我遣之。

惟彼得羅迎接此差人、陪行、進千總之房。其招會親戚舊友、咸待彼得羅。一進僉拜伏。彼得羅不容之、曰、我亦乃人也。遂傳耶穌基督之道、明其言行、靈蹟矣。正言此、聖神降臨所聽者。又聞之講異音、頌讚上帝、傍人莫不駭異矣。彼得羅曰、此人既領聖神、如我衆、誰能禁水、領洗禮乎。故賴主之命、領洗禮矣。自此以來、異族進教、及領耶穌之恩焉。

今時耶穌亦感化。勤心改惡、其關係永遠。諸感化之人、改惡遷善、遵耶穌之命、獲罪之赦、永享福矣。

耶穌坐榮位

耶穌坐天堂、掌理萬國、保養聖會、強服諸敵矣。煌兮、赫兮、耶穌之榮威、言所不能盡也。

門生約翰流島。獨自觀瞻耶穌之榮威、曰、耶穌基督乃真証、已死復生、乃普天下萬王之皇上。其本愛我、流已親血、洗滌我罪。封我爲王、祭主、奉事神父上帝。煌榮、權勢歸之、世世靡暨。王將乘天雲、而萬眼將仰之。戮主者亦觀之、且普天下萬族、將哀哭也。王曰、吾乃本末、始終。昔在、今在、後在、無所不能之主矣。

約翰又曰、此時我感於聖神、背後聞勵聲、如號筒之音、曰、吾乃本末、始終也。爾所觀者、可筆於書。適纔我轉顧所語之聲、卽見七盞金燈臺。在燈臺間、却有一位、貌如人子、身穿長袍、胸圍金帶、髮如白綿、可比白雪。目如火焰、脚似紅熱光金。聲如多水湧滔。手執七星、口出利劍。貌如太陽、煌光照也。我一看之、俯伏足下、如死一般。惟其按手語我曰、勿懼、我乃始終、我乃生活、昔死、今活於世。誠哉此言也。我執陰間、生死之鑰也。言者比喻、示耶穌之榮威、權能、高位矣。

約翰又曰、此後我觀天堂、有開門、一聲如號筒之音、語我曰、爾可上來、且我欲啟爾、日後之事也。我卽感於聖神、觀瞻天上有座、且一位高坐焉。高坐之位、貌似青碧玉、瑪瑙玉。圍其座、有天虹像似葱玉。近座四面、還有二十四位、就看坐其位者、二十四長老輩、身穿白衣、頭戴金冕。座中發出雷霹靂。座前有七燈、火焰冲也、卽上帝之七神矣。座前亦有玻璃海、如水晶之樣。二十四長老輩、亦伏拜座上之位、崇敬永生之主、捨冕座前曰、煌榮尊敬、權勢、宜歸上主。蓋主造化萬物、循聖旨、存在造化也。

又曰、我觀座上之位、右手執書、內外有字、上印密封。又視壯盛神使、厲聲宣曰、誰堪當披書、拆其封印耶。且天上地下陰間、無人能披其書、抑看其內。是以我哀哭、因無人堪當披讀其書、抑覽之矣。當時一長老位、語我曰、勿哭。猶大宗派之獅、大辟之根、可開其書、拆其印也。且我觀座中有四生靈、及長老之間、有羔豎也、像似被宰者。有七角、七目、卽上帝之七神、奉差遍行天下。其神羔就來、接書於座上、尊位之右手。旣接彼書、却四生靈、及二十四長老輩、伏拜神羔。各有琴瑟、手執金爐滿香、卽聖徒之祈禱矣。伊等誦新詩

曰爾堪接書拆其封印。蓋爾服誅流親血贖我歸上帝。由諸族類國民也。置我爲國王。祭司可事上帝。治理天下。我亦聽見周圍神座四生靈及長老輩有千千萬萬天使之聲。齊籲曰。彼宰之神羔堪受權勢富貴智慧全能尊敬煌榮祝福。且我聞天上地下陰間海內之萬物云。祝福尊敬煌榮權勢歸座上之位。又歸神羔。至世世靡旣矣。惟四生靈曰。心正所願也。並二十四長老輩伏拜永生之主矣。

又曰我看天開遂有白馬。騎者名稱信實公義審判征伐也。其目

如火焰、首戴多冕。且有名錄、無人所識、獨自識之。其身穿染血之衣、其名稱上帝之道也。且天之諸軍、皆騎白馬、穿白皓之細布、從之。由主之口、有出利劍、可擊諸國、以鐵棍收之。自踏酒醱。卽全能上帝之烈怒矣。於衣邊、腿上有名、曰萬王之王、萬主之主矣。

耶穌又曰、我必速至、帶報應、且賜各人、隨其作行。我乃本末、始終、首尾。凡守其誠者、有福、可食生命樹之菓、且可進城門也。在外有失心之人、巫術、姦淫、兇殺之徒、兼凡拜菩薩、及悅然說謊矣。善讀者知耶穌之受苦、捐命、復生、昇天、掌理聖會及萬國、坐榮位、

將臨審判萬世代也。大哉其義矣。故必悔罪、篤信耶穌、靠救世主之功勞、悅服其管下、則此生後、且可安慰心。自然可知、此乃正教之安慰也。

Editor: 愛漢者 Ai-han-che, pseud.

Title: 正教安慰. Cheng chiao an wei (Christianity and peace in life)


Place: Singapore.

Publisher: Chien Hsia Shu Yüan.

Date: 1836.

l v. (various pagings)

Text: in Chinese.



PL2703
.A28

